



山谷全書序



山谷者宋太史黃先生號也

全書者後人萃其詩文以傳

而統名之也系以年譜傳議

者備攷也附以伐檀集者原

新自也序者書缺而後全宜  
有言也世傳先生之文久矣  
曷爲而有斯刻也先生寧人  
也文獻於是乎微嗣于後者  
存乎澤吏于土者重鄉賢全

書新由刻也刻久而磨滅弗  
修之可乎先生寓蜀之戎涪  
文墨甚富岱也居鄉而說之  
薄遊以來見夫刻者若詩集  
若刀筆若精華病其散漫弗

具叨按茲土訪全書于寧得  
故刻之半時建昌郡丞余子  
載任攝寧事購元本補之新  
守喬子遷至乃竟厥工書凡  
若干卷請爲序夫先生以文  
鳴于宋與東坡並稱時人目  
曰蘇黃蘇亦爲曰文絕當世  
行配古人天而後世信之文  
也行也先生所以爲賢也載  
諸史傳謚議者可以想見其

風範後之人蓋亦難焉不獨  
歸然元祐之傑而已其生平  
之節雖流落窮義終身自若  
非大賢而能爾耶或云文傷  
元氣而直取其詩或云詩及  
婢媿而性類於禪淺乎其爲  
知矣紫陽夫子東都事畧之  
嘆有以哉吾道千載不傳之  
緒至周子而後得當時知其  
人品者惟山谷焉謂山谷未

爲知道不可也矧孝友忠信  
之德本於天性不以陰夷終  
始而渝聖賢之道寧外是與  
義學之高或有以託身岱也  
觀風先生之鄉邦表其行以  
勵俗求其文以傳世固職也  
未敢曰知焉於全書刻且序  
嘉靖丙戌季冬望日

後學西蜀徐岱謹序

山谷先生全書序

巡按江西監察御史西蜀徐公以  
吾寧山谷先生罹史禍謫涪徙戎  
兩川士從之遊以名今日者有自  
哉不有寧也乃檄攝州旰佐余君  
載仕新守喬君遷梓其書以嘉惠

吾人既自序矣喬君復侈其盛而  
徵予言以再序之予惟山谷詩文  
散見宇宙者最多其全者則寡初  
與先兄南山先生求之瓊山閣老  
丘公得豫章集三十有六卷訛脫  
未慊也最後因亡友潘南屏時用

抄之

內閣有正集外集別集詞簡年譜  
諸集凡九十七卷乃宋蜀人所獻  
者或者其全而無遺也茲於是屬  
之前守葉君天爵梓行憂去而寢  
板本兩歸殘逸可恨也復抄之挾



以遊四方者垂二十年非其人不  
授適聞是得無欣然而異乎而可  
與其須也嗚呼難得者機也易失  
者時也有是不授焉可乎哉沛然  
流布則自徐公始時哉機也而讀  
者以先生生於宋而爲宋人乎然  
其文其詩其行則非宋也王直方  
謂其文邈然有二漢之風陳無已  
謂其詩學杜甫而不爲者蘇子瞻  
謂其行追配古人余禹績諸人謂  
其饑寒窮死無愧東都黨錮是誠  
宋人也哉又宋儒黃伯起稱其著

作合周孔者居多而流於莊周者  
無幾其語人曰讀其書而不于其  
本心之正大不可泯者求之豈惟  
不足以知之恐亦自誤予故述之  
以告人人不知以爲何如其父亞

夫伐檀集二卷句甚奇崛世所謂  
山魃水恠着薜荔之體真黃氏審  
言亦閣本附行校翻刻而一正之  
者庠生王朝宗查應元云

嘉靖丁亥仲春之吉

賜進士出身通議大夫南京刑部右  
侍郎致仕後學周季鳳謹序

詩歌選五  
蘇學問李鳳  
蘇學問李鳳  
蘇學問李鳳

顯聖後出良  
顯聖後出良  
顯聖後出良

壽敵不亥  
壽敵不亥  
壽敵不亥

春率坐王  
春率坐王  
春率坐王

言亦國本  
言亦國本  
言亦國本

山似水  
山似水  
山似水

先生文集第一  
先生文集第一  
先生文集第一

賦十首  
賦十首  
賦十首

寄老庵賦  
寄老庵賦  
寄老庵賦

江西道院賦  
江西道院賦  
江西道院賦

東坡居士墨戲賦  
東坡居士墨戲賦  
東坡居士墨戲賦

白山茶賦  
白山茶賦  
白山茶賦

煎茶賦  
煎茶賦  
煎茶賦

楚詞七首  
楚詞七首  
楚詞七首

龍眠操  
龍眠操  
龍眠操

王聖涂二亭歌  
王聖涂二亭歌  
王聖涂二亭歌

予欲金玉汝  
予欲金玉汝  
予欲金玉汝

悲秋  
悲秋  
悲秋

蘇學問直  
蘇學問直  
蘇學問直

休言定賦  
休言定賦  
休言定賦

蘇李畫枯木道士賦  
蘇李畫枯木道士賦  
蘇李畫枯木道士賦

別志賦  
別志賦  
別志賦

對青竹賦  
對青竹賦  
對青竹賦

苦筭賦  
苦筭賦  
苦筭賦

濂溪詩  
濂溪詩  
濂溪詩

木之彬彬  
木之彬彬  
木之彬彬

明月篇  
明月篇  
明月篇

賦十首

寄老庵賦為孫羊老作

生乎今茲兮見曩之人萬物一家兮券宇宙而無鄰橐椽  
可以為澤兮鬢鬚蒼然獨柰何俯仰以是兮吾獨立而不  
陳新彼族庖之技養兮伐大觥以嘗巧風悲郢人之宰木  
兮碩無所用吾斤浩浩汗汗兮黃川日夜流吾誰踈親兮  
行天下以虛舟無地以受人之微纏故超世而不避世繁  
磚於蝸牛之宮經行於羊豕之隧軒甍社以為樽兮舉海  
門以為裁觴豆於無味之味從衲子以卒歲儻然以寓其  
不得已是謂無累之累何用窮山絕谷為獨安往而非寄  
寄吾老於簪紱及高位之疾顏春人以旅力去矣奉腆祿  
而彫年寄吾老於孫息履群神之教春春火宅之無安寧

執事而俱焦寄吾老於友朋未沫平生之言人壽不能金  
石忍相望於鬼伯之所伊漢上之龐禪空諸有以為宅沈  
貨求以棄責聊生涯於緯竹維衡岳之懶叟獨金玉其言  
青焰燒木以燠寒投鼻涕而無寸陰相彼宛童寓于栢松  
自十青雲束縛舍翁主人不承澤螻蟻為宮薪者斧焉賓  
主徇同無意以為智維此意而天天申申從人以嬉寡婦  
次高明之棖相與社而稷之訖無累於去來養生者諱  
益術竅者天門不開此其是耶非乎窮於外者反於家困  
于智者歸憇伊未嘗一用其智對萬世而德不孤若人者  
其在斯乎託軒冕而羈居無德色之可鋤殆其肆志於江  
湖翁乎強為我著書無促駕青牛之車

休亭賦

台友蕭公餉濟父往有聲場屋間數不利於有司歸教子弟以宦學而老於清江之上開田以為歲鑿池灌園以為遷豆兒時藝木今憇其陰獨立無鄰自行其意築亭高原以望玉筍諸山用其所以齋心服形者名之曰休亭乞余言銘之將游居寢飯其下豫章黃庭堅為作休亭賦曰  
繫禱一軌萬物並馳西風木葉無有靜時懷蠹在心必披其枝事時與黃湖同機世智與太行同熾獺於市門之下血外於風波之上至於行盡而不休夫如是奚其不喪故曰衆人休乎得所欲士休乎成名君子休乎命聖人休乎物真之嬰吾友濟父居今而好古不與不取亦莫予敢侮將強學以見聖人而休乎萬物之祖且游於世也敲璞玉

驚撫四方者倦矣迺歸休於山亭濯纓於峽水之上游晞髮於舞雩之喬木彼玉筍之隱君子惠我以生芻一束是謂不著而莖從無龜而吉卜

### 江西道院賦

江西之俗士大夫多秀而文其細民險而健以終訟為能由是玉石俱焚名曰珥筆之民雖有辯者不能自解免也惟筠為州獨不器於訟故筠州太守彌為守江西道院然與南康廬陵宜春三郡並蒙惡聲元祐八年武陵柳矣子儀守筠之明年也樂其俗之媿使為政者不勤乃新燕居之堂榜曰江西道院以鼓舞其國風且為高安之父老雪恥焉秋九月遣使來告成於雙井永思堂於是為之賦其詞曰勾吳之區維斗所直半入於楚終蝕於越有秦伯虞

仲季子之風故處士有巖穴之雍容有屈原宋玉枚粟之  
筆故文章有江山之秀發吳越之君多好勇故其民樂鬪  
而輕死江漢之俗多機鬼故其民尊巫而淫祀雖郡異而  
縣不同其大略不外是矣若乃高安之城豫章之別雖風  
氣之未遠亦媿俗之可悅故柳侯下車解牛而不割未嘗  
發劓初不折缺則喟然嘆曰江西道院名不虛生爰作新  
堂合陳鼓篁有斐翰墨賓贊令丞作為詩歌接民頌聲昔  
也憂民之憂今則樂民之樂懷僊伯之蛻蟬有勿翦之喬  
木製劍池之菡萏以為裳釀丹井之清泠以為酌醉而起  
舞父老持足恐使君之僊去而鰥寡之長失職也吾聞風  
行於上而水波於下天下之至文仁形於心而民服此天下  
之善化豈

丹砂鑄鐵成余兩漢循吏鑄頑成仁我簡禁則民肅我  
易則民親今使高安之農養生於桁楊之外珥筆教訟者  
傳問孝之章勢耳鎖亢者深春耕之耒實私鬪之刀劍以  
為牛蓋淫祠之樽俎以養親雖承平百年雨露滲漉非二  
千石所以牧人者乎雖然有一於此堂密有美樞而未聞  
處士之節岑蔚有於菟而不見墨客之文豈其龜藏而自  
昇瓊屈而不伸者耶公試酌樽中之涿謝山川之神為予  
問之

蘇李畫枯木道士賦

東坡先生佩玉而心若槁木立朝而意在東山其商略終古  
蓋流俗不得而言其於文事補衮則華蟲黼黻醫國則虜  
扁和秦虎豹之有美不彫而常自然至於恢詭譎恠滑稽

於秋兔之頽尤以酒而能神故其觴次滴漉醉餘顰申取  
諸造物之鑪錘盡用文章之斧斤寒煙淡墨權竒輪困挾  
風霜而不栗聽萬物之皆春龍眠有隱君子見之曰商字  
宙者朝徹於一指計楮中者心醉於九九言其不同識也  
裁鵬背而不帶芥烹鼠肝而復果然言其不同量也彼以  
睢睢盱盱我以踽踽涼涼則懼夫子之獨立而矢來無鄉  
乃作女蘿施于木末婆娑成陰與世宴息於其繁根作黃  
冠師納息於踵若新沐而晞促阮咸以赴節按萬籟之同  
歸昔阮仲容深識清濁酒沈於陸無一物可欲右琴瑟而  
左琵琶陶冶此族不溷不濁是謂竹林之曲彼道人者養  
蒼竹之節以玩四時鳴槁梧之風以召衆竅其鼻間栩栩  
然蓋必有不可傳之妙若予也寄櫟社以神其拙頽白鷗

之樂人深一行行吏  
成禽莊生曰去國期  
東坡居士墨戲

東坡居士遊戲於管城子楮先生之間作枯槎壽木叢篠  
斷山筆力跌宕於風煙無人之境蓋道人之所易而畫工  
之所難如印泥霜枝風葉先成於骨次者鰓顰申奮迅  
六反震動草書三昧之苗裔者歟金石之友質已死而心  
在斷泥郢人之鼻運斤成風之手者歟夫惟天才逸群心  
法無軌筆與心機釋冰為水立之南榮視其胸中無有畦  
畛八窓玲瓏者也吾聞斯人深入理窟擯研囊筆枯禪縛  
律恐此物輩不可復得公其緹衣十襲拂除蛛塵明窓棊  
几如見其人

別友賦送李次翁

曩聞義於孫李指尊選以見招惜予行之舒舒曰其夜以  
為朝予望道於垓垣見萬物之富有恨逸駕之絕塵又駭  
予以四牡哨車後之無策其四方乎索友仰雲飛而注弋  
俯淵覩之沈鈞或一能之勝予忘日月之不予謀或登吞  
舟之鱗或下垂天之翼手予弓而不釋恐斯道之或息維  
廬江之四季三隱約於龍眠維若人之仕蚤懷明月而麗  
川歲庚午而會梁語聞道之大用吸江漢以為深累丘嶽  
以自重尾擊之而首應西犯之而東抗棄旗鼓而不逐儼  
其陳之堂堂偉道學之崇岷增懦夫之激昂觀出日於東  
方雖食焉而不吝無肯綮以自試居自喜於餘亦彼覆却  
萬方胡斯言之猶信水渾渾而進舟風剌剌而侵衣恐事  
親之不勸則惟是之同

白山茶賦

姨母文城君作白山茶賦興寄高遠蓋以自況類楚人之  
橘頌感之作後白山茶賦

孔子曰歲寒然後知松柏之後彫也麗紫妖紅爭春而取  
寵然後知白山茶之韻勝也此木產於臨川之崔嵬是為  
麻源第三谷仙聖所廬金堂瓊榭故是花也稟金天之正  
氣非木果之匹亞迺得骨於崑閩非乞靈於施夏造物之  
手執丹青而無所用析薪之斤雖睥睨而幸見赦高潔皓  
白清脩閑暇徘徊冰雪之晨偃蹇霜月之夜彼細腰之子  
孫與莊生之物化方培戶以思溫故無得而陵跨蓋將與  
日月爭光何苦與洛陽爭價惟是當時而見尊顯處於理



臺玉墀之上是以閉藏而無悶淡然於乾楓枯柳之下江北則上徐庾江南則數鮑謝蓋不能刻畫常娥潘飾姑射諒無地以寄言故莫傳於膾炙况乎見素抱朴難乎郢人故徐熙趙昌紙筆和鈿而不敢畫或謂山丹之皓質足以爭長而更霸知我如此不幾乎罵雖瓊華明后土之祠白蓮秀遠公之社皆聲名藉甚俗態不捨挾脂粉之氣而蘊蘭麝與君周旋其避三舍

對青竹賦

余楚產也閱東南之竹多矣未嘗聞對青竹者也嘉州僧從之包封見貽甄之而成乃初識之惟範圍之內有知之物一無窮無知之物一無窮一耳一目不能遍覽也况六合之外者乎感而賦之

竹之美於東南以節不以文也其在楚之西鬱鬱於慈慈浦山繚雲也會稽之奇材任矢石斬春之澤夏簞蕭笛沈湘淚血邛崃高節慈竹相守孝竹冬茁慈姥鮮谷笙竿篋篔簹長石之山一節可航猶未極其瑰恠不常也吳楚無竹工非無竹工婦能織緝之器兒能鷄鶩之籠也今夫管簞羸筭棗標翰藩巴船百丈下漢為笄貴之則律呂汗簡賤之則箕帚蒸薪唯所逢遭盡於斧斤美哉斯竹黃質墨章如出杼軸織文自當解甲稅枯金碧其相歲寒在躬又免斲烹彼其文章之種性不可致詰剗心而求之不可得割根而求之不可得匪人匪天有物有則惟其與蓬蒿共盡而無憾余亦不知白駒之過隙

煎茶賦

洶洶乎如澗松之發清吹皓皓乎如春空之行白雲實主  
欲眠而同味水茗相投而不渾苦口利病解膠滌昏未嘗  
一日不放著而策茗椀之勲者也余嘗為嗣直淪茗因錄  
其滌煩破睡之功為之甲乙建溪如割雙井如鏤日鑄如  
勢其餘苦則辛螫甘則底滯嘔酸寒胃令人失眠亦未足  
與議或曰無甚高論敢問其次涪翁曰味江之羅山嚴道  
之蒙頂黔陽之都濡高株瀘川之納溪梅嶺夷陵之壓軌  
臨邛之火井不得已而去於三則六者亦可以酌免褐之  
甌淪魚眼之鼎者也或者又曰寒中瘠氣莫甚於茶或濟  
之鹽勾賊破家滑竅走水又况雞蘇之與胡麻涪翁於是  
酌岐雷之醪醴參伊聖之湯液斯附子如博投以熬芎僂  
之聖去藪而用鹽去橘而用薑不奪茗味而佐以草石之  
良所以固太倉而堅作強於是胡桃和實菴摩鴨脚勃  
賀蘇蕪水蘇甘菊既加臭味亦厚賓客前四後四各用其  
一少則美多則惡揮其精神又益於咀嚼蓋大匠無可棄  
之材太平非一士之略厥初貪味雋永速化湯餅乃至中  
夜不眠耿耿既作溫齊殊可屢軟如以六經濟三尺法維  
有除治與人安樂賓至則煎去則就榻不游軒后之華胥  
則化莊周之胡蝶

苦筭賦

爨道苦筭冠冕兩州甘脆愜當小苦而反成味溫潤緝密  
多啖而不疾人蓋苦而有味如忠諫之可活國多而不害  
如舉士而皆得賢是其鍾江山之秀氣故能深雨露而避  
風煙食肴以之闢道酒客為之流涎彼桂斑之夢永又安

得與之同年蜀人曰苦笋不可食食之動痼疾令人萎而  
瘠予亦未嘗與之言蓋上士不談而喻中士進則若信退  
若眩焉下士信耳而不信目其頑不可鑄李太白曰但得  
醉中趣勿為醒者傳

楚詞七首

龍眠操三章贈李元中

吾與行乎道渺渺兮驂弱石巖巖兮川橫日月兮在上風  
吹雨兮晝冥吾其止乎曲者如几直者如矢我為直兮棘  
余如我為曲兮不如其已吾耕石曰兮為芝乃三歲兮報  
我饑嗣茲穡兮則以稼從子于耜兮龍眠之下  
螳臂美兮當車蟬螿強兮鬪虎我觀兮上下四方或錫予  
兮以大武兮水波松柏兮霜有時女兮不春我欲

筮兮同牀筮告予以不好予與居兮甚媿秦人同多兮徒  
欺予予和羹兮衆吐之南山霧兮楚氛其在茲兮斗日月  
揚湯兮揀喝從子休兮龍眠之機  
朝百牢兮九飯藜羹不糝兮共槃而笑孤白裘兮豹袂緇  
袍無裏兮亦見春工何喜兮安樂也曰有嘉人兮遺予履  
發十襲兮示予與予武兮合度四拜兮隅立使離朱兮詔  
之若人兮無鵠離朱茫然兮拜報兮牧牛兮于鼻牧羊兮  
不岐有若人兮可與歸因子問塗兮龍眠之蹊

濂溪詩并序

春陵周茂叔人品甚高胸中灑落如光風霽月好讀書雅  
意林壑初不為人窘束世故權輿仕籍不卑小官職思其  
憂論法常欲與民決訟得情而不喜其為小吏在江湖郡

縣蓋十五年所至輒可傳任司理參軍運使以權利變具  
獄茂叔爭之不能得按告身欲去使者斂手聽之趙公悅  
道誦稱好賢人有惡茂叔者趙公以使者臨之其威茂叔  
處之超然其後廼寤曰周茂叔天下士也薦之於朝論之  
於士大夫終其身其為使者進退官吏得罪者自以不寬  
中歲乞身老於湓城有水發源於蓮花峯下潔清紺寒下  
合於湓江茂叔濯纓而樂之築屋於其上用其平生所安  
樂澗水而成名曰濂溪與之游者曰溪名未足以對茂叔  
之美雖然茂叔短於取名而惠於求志薄於徵福而厚於  
得民菲於奉身而燕及熒燿陋於希世而尚友千古聞茂  
叔之餘風猶足以律貪則此溪之水配茂叔以永久所得  
多矣茂叔諱博實避厚陵奉朝請名改博願二子壽壽皆  
好學承家求余作濂溪詩思詠潛德茂叔雖仕宦三十年  
而平生之志終在丘壑故余詩詞不及世故猶髣髴其音  
塵

溪毛秀兮水清可飯羹兮濯纓不漁民利兮又何有於名  
絃琴兮觴酒寫溪聲兮迺五老以為壽蟬蛻塵埃兮玉雪  
自清聽潺湲兮鑒澄明溷貪兮敦薄非青蘋白鷗兮誰與  
同樂

津有舟兮蕩有蓮勝日兮與客就閒人聞擘音兮不知何  
處散髮醉高荷為蓋兮倚芙蓉以當伎霜清水寒兮舟著  
平沙八方同宇兮雲月為家懷連城兮珮明月魚鳥親人  
兮野老同社而爭席白雲蒙頭兮與南山為伍非夫人攘  
臂兮誰余敢侮

王聖涂二亭歌 并序

忠州太守王聖涂罷忠州春秋六十有六將告老于朝而  
休于營丘以書抵黔州告其同年生黃魯直曰營丘有叟  
將自此歸矣舍旁作二亭以休餘日子為我名且歸以夸  
父老魯直名其一曰休休上言事下言德也其一曰冥鴻  
言公自此去增繳遠矣聖涂喜曰子盍為我歌

營丘之下有宅有田黎棗兮鵲豆耘耔兮為年鷄栖時兮  
羊豕在牧課兒子兮藝松菊炙背兮牆東夢覆舟兮濤且  
風洋之回兮可以駕孫甥一作男扶輿兮父老同社洋之水兮  
可以舟入鷗鳥兮與之游一世兮蟬蟻桑榆兮愁可收從  
此休兮公誰黃髮之休偉長松兮臥龍蛇閱千歲兮不改  
其柯震雷不驚兮誰欵休之以蜩螻下有錦石兮可用括

勺雲月供帳兮萬籟奏樂石子磊磊兮澗谷縱橫春月恍  
李兮士女傾城時雨霖兮忽若海濤收無事兮我以觀萬  
物之情兒時所藝兮桃李穢穢隨世風波兮吹而北南昔  
去兮拱把今歸兮與天參與古兮合契樹如此兮我何  
以堪鴻鴈磬兮或在洲渚有心於粒兮弋者所取飛冥冥  
兮激萬里而絕去藪澤之羅者兮官子落羽一作官觀

木之彬彬 并序

曹公所禮三人孔融禰衡陽狂嫚侮操且疑且信故以衡  
假手於黃祖融晚乃覆巢獨揚脩材慧數解隱語又探其  
不言者發之最先得罪雖其父公雅故不足以賞死嗟乎  
脩黃犢子有致遠材一怒其臂死於龍車之轍曾無隰子  
之伐木耶田常與大夫隰子登臺四望齊邑南向而蔽於

隰子之喬木成子不言隰子歸使人伐木斧斤離數創則止之相室曰變之亟也曰田子將成大事惡人知其微今不伐木未深忌也知人之所不言其忌深矣故曰知微者兵在其頸求福者禘歲其顛雖然隰子猶有所未立也與百里奚策虞公而去之豈可同年語哉感一三子行事作木之彬彬

木之彬彬非取異於人可宮室則斬則伐可籩豆則將則擷草之茸茸非求顯於世中芻牧則刈則鉏中醫和則剝則枯非以其材故耶是非之岐利害薰蒸嗟人道之多患彼草木尚無情吾嘗觀於人矣巧於辨人拙於自辨好動乎天機不周乎時變罪不慘於德有心禍莫深於心有見罪不在德心其惡成禍不在心見其斃籍之人也儼儼

是以亡其大當悲夫羿注  
鄒以自殘駭兇虐之竊發禍  
言則害智用其智則害明為君子則柰何獨見曉於冥冥  
子歆金玉汝贈黃從

江山複重兮朋友失長處幽室兮隔離天日鳥聲無人兮我友來即久矣不聞德人之言兮為余發藥嘉若人兮甚好脩蘭薰而時發兮水劍德而用柔有璞連城方謨匠兮忍其與斗筭議之螫吾手而不斫兮舉百體而弃之為民父母兮灼子之膚何能忍頽白日臨辰兮臣何愛不與俱來古之人償責言兮雖九死其猶未悔虹氣貫斗牛兮豈用俗人之町畦子愛蘭而英與子佩兮曰斯其不情帝關

九牡兮照下土孔明予將觀東海兮蛙說予以坎井盍嘗  
視吾寶兮茲有重於岑鼎予欲金玉汝兮汝既金玉揭日  
月以適四方兮殆而按劍以為戮鴈以不鳴烹木以才而  
斲天下皆拜兮矢來無鄉維應以無名之樸

明月篇贈張文潛

天地具美兮生此明月陞白虹兮貫朝日工師告余曰斯  
不可以為珮棄捐積中兮三歲不會霜露下兮百草休抱  
此耿耿兮與日星遊山中入兮招招耕而食兮無郵榛艾  
藜藜前吾牛兮疋不可更扶淺耕兮病歲深耕兮石嬰耜  
登山兮臨川雉得意兮魚樂小風兮吹波從其友兮尾尾  
日下兮川逝射雉兮喪余一矢佳人兮潔齊帳何所兮行  
媒南山有葛兮葛有木戎處舖兮以君之鉏耒

悲秋為知命弟作

有美一人兮臨清秋而太息傷天形之缺然兮與有足者  
同堂而並席儻嘗獲罪於天兮使而至於斯極夫陰凝而  
陽化兮冲氣飭而為和駢拇所以為少枝指所以為多謂  
天任汝以道兮曾是形畸而貌獨天厭弃汝兮備汝德而  
謂何中無所考此耿耿兮獨遡風而浩歌歌曰父耶母耶  
人乎天乎才之為祥固不若不才之全乎非天地之私兮  
又非父母之顧也慨伏思而不得兮夢漂漂而行遠逆真  
人於軒臺兮請端策而徵衍遇水盈之坎坎兮得山麓而  
為蹇雖御良而馬服兮猶往蹇而來連良之初六來告休  
兮良其趾而無咎如風日之過河兮人謂守水而為耗知  
水性之循環兮曾何損益之足道螭百足之在壤兮夔蹇

踈以行地蛇虺蔓延不自好兮謂風蓬蓬而無似物憐物  
之無窮兮目尚為心之僕隸夫精於形器之表兮視四體  
百骸其在外予將執汝手兮游乎浩蕩之會憑天津而濯  
髮兮攬日月以為珮嗟不知去來之為我兮天下莫予之  
為對恐路遠而多岐兮聊贈汝以指高將雍容於勝日兮  
嘗試為汝而妄談

豫章黃先生文集第一

豫章黃先生文集第二

古詩五十一首

贈別李次翁

次韻答張文潛惠寄

同錢志仲飯籍田錢孺文官舍

次韻子瞻贈王定國

送范德孺知慶州

題王仲弓兄弟巽亭

送劉士彦赴福建轉運判官

次韻劉景文登鄴王臺見思五首

柳閱展如蘇子瞻甥也其才德甚美有意於學故  
以桃李不言下自成蹊八字作詩贈之

黃自一

次韻答晁無咎見贈

次韻張詢齋中春晚

題王黃州墨跡後



次韻李之純少監惠研

次韻曾子開舍人遊籍田載荷花歸

次韻子瞻題郭熙畫秋山

詠李伯時摹韓幹三馬次蘇子由韻

次韻子瞻和子由觀韓幹馬因論伯時畫天馬

次韻荅王齊中 奉同子瞻韻寄定國

謝黃從善司業寄惠山泉

次韻錢穆父贈松扇 戲和文潛謝穆父松

次韻王炳之惠王板紙

奉荅謝公靜與榮子邕論妙元規孫少述詩

戲荅俞清老道人寒夜三首

奉和文潛贈無咎篇末多見

不喜為韻

子瞻詩句妙一世乃云效庭堅體次韻道之

留王郎

送王郎

古風二首上蘇子瞻

贈別李次翁四言

利欲薰心隨人翕張國好駿馬盡為王良不有德人俗無

津梁德人天游秋月寒江映徹萬物玲瓏六窓杜愛歌泥

如蓮生塘處水超然出沈而香孔竅穿穴明冰其相維乃

根華其本含光大雅次翁用心不忘日問月學旅人念鄉

能如斯蓮沅可小康在俗行李密密堂堂觀物慈悲哀泣民

愛莊成功萬年付之面牆草衣石簪與世低昂

次韻荅晁無咎見贈補之

翁翁一日炎耽耽萬年永四海仰首觀頊復歸根靜時雨  
瀉玉除潢流漲天井性不耐衣冠人門疎造請煮餅卧此  
窓保此已微幸空餘見賢心忍渴望梅嶺

次韻答張文潛惠寄

短褐不磷緇文章近楚辭未識想風采別去令人思斯文  
已戰勝凱歌偃旂君行魚上冰忽復燕哺兒學省得佳  
士催來費符移方觀追金玉如許遽言歸南山有君子握  
蘭懷令姿但應潔齋俟勿詠無生詩

同錢志仲飯籍田錢孺文官舍

景祥

帝籍開千畝農功先九州王孫守耒耜吏隱極風流水夏  
豐草木五雲衛郊丘牛羊臥籬落賓客解衣裘汲井羞熱  
啜挽溪供甘柔倒數收蓮的刺蚌煮鴻頭野日草光合水

風荷氣浮稻畦下白鷺林樾應鳴鳩主人發清賞况後佳  
同游歸翁障小雨真成一賜休

次韻子瞻贈王定國

遠志作小草鼃衣生陵屯但為居移氣其實何足言名下  
難為人醜好隨手翻百年炊未熟一垤蟻追奔夏日蓬山  
永戎葵茂牆藩王子吐佳句如蠶絲出盆風姿極灑落雲  
氣畫壘樽屬有補袞章日當寵頻煩鄙夫無它能上車問  
寒温唯思窮山去抱犢長兒孫

次韻張詢齋中春晚

學古編簡殘懷人江湖永非無車馬客心遠境亦靜挽蔬  
夜雨畦耆老寒泉井春去不窺園黃鸝頗三請立朝無物  
望補外儻天幸想乘滄浪船濯髮晞翠嶺補外一作得石本得

送范德孺知慶州

乃翁知國如知兵塞垣草木識威名敵人開戶玩處女掩  
耳不及驚雷霆平生端有活國計百不一試薤九京阿兄  
兩持慶州節十年麒麟地上行潭潭大度如臥虎邊人耕  
桑長兒女折衝千里雖有餘論道經邦政要渠妙年出補  
父兄處公自才力應時須春風旂旆擁萬夫幕下諸將思  
草枯智名勇功不入眼可用折箠答羗胡

題王黃州墨跡後

掘地與斷木智不如機春聖人懷餘巧故為萬物宗世有  
斷泥手或不待郢工往時王黃州謀國極匪躬朝聞不及  
夕百士避其鋒九鼎安盤石一身轉秋蓬浮雲當日月白  
髮空諸君發蒙耳汲直與區同

仲弓

五

大隗七聖迷許田

城重里中多佳

與世作梁棟市

行清渠澗水可抱甕

軍飛城東南隱几撫羣動人境要俱

爾我乃得大用烏衣

雲孫昆弟不好弄木末風雨來卷

箔醉賓從事常超然樂與賢者共人登斷壘求我自歸

鴻送溪毛亂錦嶺候蟲響機綜世紛甚呼噤曾次欲空洞

讀書開萬卷謀國妙百士儻無斷鼻工聊付曲肱夢

送劉士彥赴福建轉運判官

秋葉雨墮來冥鴻天資高平馬氣成霧九衢行滔滔中有  
寂寞人靈府高鑰牢西風持漢節騎從嚴弓刀維閩七聚  
落惇獨困吏饗土弊禾黍惡水煩鱗介勞南驅將仁氣百  
城共一陶察人極涇渭問俗及人眇羔官閑得勝日杖履之

林臯人間閱忠厚物外訪英豪

次韻劉景文登鄴王臺口元思五首季孫

黃濁歸大壑連漪遠重城西風一橫笛金氣與高明歸鴉

度晚景落鴈帶邊聲平生知音處別離空復情

舊時劉子政憔悴鄴王城把筆已頭見書猶眼明平原

秋樹色沙麓暮鍾聲歸鴈南飛盡無因可此情

繫絕兩相憶極目十餘城積潦干斗極山河昏夜明白壁

按劍起朱弦流水聲垂逢四時爾木石了無情

茗花浮曾坑酒泛酌宜城路尋西九曲人似漢三明千戶

非無相五言空有聲何時郭池晚照影寫情

公詩如美色未嫁已傾城嫁作蕩子嬾寒梅泣到明綠琴

蛛網遍絃絕不成聲想見鴉夷子江胡萬里情

柳閣展如蘇子瞻甥也其才德甚大有意於學故

以桃李不言下自成蹊八字作詩贈之

柳君文甚武甚武一睥視萬人豪睥睨老氣鼓不作卷

旗解弓刀上為朝陽桐下為澗溪毛裘有美實期子種

蟠桃

浮陽愧嘉魚道傍多苦李古來賢過人不爭咸陽市吾子

富春秋日月東趨一作水潛聖有玉音聞道而已矣

霜威能折綿風力欲冰酒勤子來訪道枵然我何有寢興

與時俱由我屈伸肘飯羹自知味如此是道不

任世萬鈞重載言以為軒室文誤也不世聖達欲無言咸池

浴日月深宅養靈根胸中浩然氣一家同化元

陸沉百世師寄食魯柳下我今見諸孫風味窺大雅大雅



黃州逐客未賜環江南江北飽看山玉堂卧對郭熙畫發  
興已在青林間郭熙官畫但荒遠短紙曲折開秋晚江村  
煙外雨脚明歸鴈行邊餘疊巖坐思黃甘洞庭霜恨身不  
如鴈隨湯熙今頭白有眼力尚能弄筆映窓光畫取江南  
好風日慰此將老鏡中髮但熙肯畫覓作程五日十日一  
水石

詠李伯時摹韓幹三馬次蘇子由韻簡伯時兼寄

李德素

太史瑣窓雲雨垂試開三馬拂蛛絲李侯寫影韓幹墨自  
有筆如沙畫錐絕塵超日精爽緊若失其一望路馳馬官  
不語臂指揮乃知仗下非新羈吾嘗覽觀在坳馬駑駘成  
列無權奇緬懷胡沙英雄質一雄可將十萬雄非斯養  
所成就天驥生駒人得知千金市骨今何有士或不價五  
殺皮李侯畫隱百寮底初不自期人誤知戲弄丹青月聊卒  
歲身如闕世老禪師

次韻子瞻和子由觀韓幹馬因論伯時畫天馬

于闐花驄龍八尺看雲不受絡頭絲西河驄作蒲萄錦雙  
瞳夾鏡耳卓錐長揪落日試天步知有四極無由馳電行  
山立氣深穩可耐珠鞵白玉羈李侯一顧歎絕足領略古  
法生新奇一日真龍入圖畫在坳群雄望風雌曹霸弟子  
沙苑丞喜作肥馬人笑之李侯論幹獨不爾妙畫骨相遺  
毛皮翰林評書乃如此賤肥貴瘦渠未知况我平生賞神  
俊僧中云是道林師作駿

次韻答王春中寅

有身猶縛律無夢到行雲俗裏光塵合曾中涇渭分我寒  
江南秀一見空馬羣夸士慕鍾鼎非寒儒守典墳吾欲超萬  
古乃如負山蚊能來商略此跌坐對鑪芬

奉同子瞻韻寄定國

風雲開古鏡淮海燹冰純王孫醉短舞羅襪步微瀾老驥  
心雖在白鷗盟已寒斯人氣金玉視世一鼠肝南歸脫虫  
蠱入對隨孔鸞忍以口語去鼓船下驚湍收身薄冰釋置  
枕泰山安后土花藥麗海門天水寬伐木思我友知人良  
獨難遙憐鬢鬢綠猶復耐悲歡

謝黃從善司業寄惠山泉

錫谷寒泉槌石俱并得新詩蠶尾書急呼烹鼎供茗事晴  
江急雨看跳珠是功與世滌羶腹令我屢空常晏如安得

左轡清穎尾風鑪煮茗臥西湖

次韻錢穆父贈松扇總

銀鈞玉唾明蠶紙松篔輕涼并送似可憐遠度幘清漫適  
堪今時襍襪子丈人玉立氣高寒三韓持節見神山應得  
安期不死草使我蟬蛻塵埃間

戲和文潛謝穆父松扇

猩毛束筆魚網紙松拊織扇清相似動搖懷袖風雨未想  
見僧前落松子張侯哦詩松韻寒六月火雲蒸肉山持贈  
小君聊一笑不須射雉殼黃間

次韻王炳之惠玉板紙

伯虎

王侯須若緣坡竹哦詩清風起空谷古田小牋惠我百信  
知溪翁能解玉鳴磬千杵動秋山裏糧萬里來輦轂儒林

丈人有蘇公相如子雲再生蜀往時翰墨頗橫流此公歸  
來有邊幅小措多傳樂毅論高詞欲奏雲雨曲不持歸掃蘇  
公門乃令小人今拜辱去騷甚遠文氣卑畫虎不成書勢  
俗董狐南史一筆無誤掌殺青司記錄雖然此中有公議  
或辱五鼎榮半菽願公進德使見書不敢求君米千斛

奉答謝公靜與榮子邕論狄元規孫少述詩長韻

謝公遂如此宰木已三霜無人知句法秋月自澄江二子  
學邁俗窺杜見牖窓試斷郢人鼻未免傷手創蟹胥與竹  
萌乃不美羊腔自往見謝公論詩得濠梁世方尊兩耳未  
敢築受降丹穴鳳凰羽風林虎豹章小謝有家法聞此不  
聽將劫思北風惡歸鴈落斜行

戲送俞清老道人三首

素素兼自兩月寒遙夜闌馬嘶車鐸鳴群動不遑安有人  
夢起俗去髮脫儒冠平明視清鏡政爾良獨難

聞道一稊米出身縛簪纓懷我伐木友寒花安丁丁富貴  
但如此百年半曲肱早晚相隨去松根有茯苓

牧羊金華山早通玉帝籍至今風低草觶觶見白石金華  
風煙下亦有君履跡何為紅塵裏頰鬚欲雪白

奉和文潛贈無咎篇末多見及以既見君子云胡  
不喜為韻

龜以靈故焦雉以文故賢本心如日月利欲食之既後生  
玩華藻照影終沒世安得八絃且以道獵衆智  
談經用燕說束棄諸儒傳溢觴雖有罪未泯瀾九縣張侯  
真理窟壁勿與戰難以口爭水清石自見



訂性友麋鹿君非我同群文明近日月我亦不如君十載  
長相望逝川水云江何當談忘倒茗椀對鑪薰

北寺鎖齋房陳銜時一啓晁派足然來連壁照書几庭栢  
鬱葱葱紅榴罅多子時蒙吐佳句幽處禹籟起

先皇元豐末極厭士淺聞只今舉秀孝天未喪斯文晁張  
班馬首崔蔡不足云當令橫筆陣一戰靜楚氛

張侯窘炊玉僦屋得空壚但見索酒郎不見酒家胡錐肥  
如瓠壺胃中殊不飽何用知如此文采似於菟

荆公六藝學妙處端不朽諸生用其短頗復鑿戶牖譬如  
學捧心初不悟已醜玉石恐俱焚公為區別不

吾友陳師道抱獨門掃軌晁張作薦書射雉用一矢吾聞  
舉逸民故得天下喜兩公陣堂堂此士可摩壘

子瞻詩句妙一世乃云效庭堅體蓋退之戲效子

郊樊宗師之比以文滑稽耳恐後生不解故以韻  
道之

我詩如曹鄴淺陋不成邦公如大國楚吞五湖三江赤壁

風月笛玉堂雲霧窓句法提一律堅城受我降枯松倒澗  
壑波濤所春撞萬牛挽不前公乃獨力扛諸人方嗤黠渠

非晁張雙但懷相識察牀下拜老龐小兒未可知客或許  
敦龐誠堪壻阿翼買紅纏酒缸

留王郎 純亮世傳

河外吹沙塵江南水無津骨肉常萬里寄聲何由頻我隨

簡書來顧影將一身留我左右手奉承白頭親小邦正事  
畧蟲鳥聲無人王甥解鞍馬夜語鷄喚晨母慈家人肥女

慧男垂紳有田為酒事豚韭及秋春生涯得如此舊學更  
光新索去何草草少得慰艱勤百年才一炊六籍經幾秦  
要知曾中有不與跡同陳郢人懷妙質聊欲運吾斤白頭一作白髮

送王郎

酌君以蒲城桑落之酒泛君以湘纍秋菊之英贈君以黔  
川點漆之墨送君以陽關墮淚之聲酒澆曾中之磊隗菊  
制短世之頽齡墨以傳千古文章之印歌以寫一家兄弟  
之情江山萬里頭俱白骨肉十年眼終青連牀夜語鷄戒  
曉書囊無底談未了有功翰墨乃如此何恨遠別音書少  
炊沙作糜終不飽鏤冰文章費工巧要須心地收汗馬孔  
孟行世日杲杲筋力持家婦能養姑供珍鮭兒詩書  
女絲一作麻公但讀書者長於

古風二首上蘇子瞻

江梅有佳實託根桃李場桃李終不言朝露借恩光孤芳  
忌皎潔冰雪空自香古來和鼎實此物非廟廊歲月坐成  
晚煙雨青已黃得并桃李盤以遠初見嘗終然不可口擲  
置官道傍但使本根在棄捐果何傷

青松出澗壑十里聞風聲上有百尺絲下有千歲苓自性  
得久要為人制頽齡小草有遠志相依在平生醫和不並  
世深根且固蒂人言可醫國何用太早計小大才則殊氣  
味固相似

豫章黃先生文集卷三

古詩五十首

黃庭堅魯直

贛上食蓮有感

贈鄭郊

寄裴仲謨

送鄭老能宣德知福昌縣

顯聖寺庭枸杞

平陰張澄居隱處三詩

雙井茶送子瞻

和荅子瞻

子瞻以子夏丘明見戲聊復戲荅

省中烹茶懷子瞻用前韻

以雙井茶送孔常父

常父荅詩有煎點徑須煩綠珠之句復次韻戲荅

戲呈孔毅父

以團茶洮州綠石研贈無咎文潛

晁張和答秦觀五言子亦次韻

常父惠示丁卯雪十四韻謹同韻賦之

次韻答曹子方雜言

次韻子瞻武昌西山詩

和答子瞻和子由常父憶館中故事詩

謝公定和二范秋懷五首邀予同作

謝送碾賜壑源揀牙

以小團龍及半榼贈無咎并詩用前韻為戲

次韻子由續溪病起被召寄王定國

紀書省冬夜宿直寄懷李德素

次韻答邢惇夫  
次韻張仲謀過圃池寺齋

送謝公定作竟陵土簿

贈送張叔和  
次韻秦觀過陳無已書院觀鄙句之作

次韻子瞻送顧子敦河北都運二首

餞子敦席上奉同孔經父八韻

次韻寄晁以道  
次以道韻寄范子夷子默

僧景宗相訪寄法王航禪師

送李德素歸舒城

謝王仲至惠洮州礪石黃玉印

題松下淵明  
次韻子瞻詠好頭赤圖

詠伯時虎脊天馬圖  
詠伯時象龍圖

題竹石牧牛  
觀伯時畫馬

記夢

顛上食蓮有感

蓮實大如指分甘念母慈共房頭鹹鹹更深兄弟思實中  
有么荷拳如小兒手令我憶眾雛迎門索梨棗蓮心政自  
苦食苦何能甘甘冷恐腊毒素食則懷慙蓮生淤泥中不  
與泥同調食蓮誰不甘知味良獨少吾家雙井塘十里秋  
風香安得同裘子歸製芙蓉裳

贈鄭郊

高居大士是龍象草堂丈人非熊羆不逢壞衲乞香飯唯  
見白頭垂釣絲鴛鴦終日愛水鏡菡萏晚風凋舞衣閑徑  
老祥來煮茗還尋密竹逕中歸

寄裴仲謨綸

交游二十年義等親骨肉風雨示言

來問安足音到空谷我家輦轂下薪桂炊白玉在官與影  
俱衣綻髮曲眉天機行日月春事勤草木念公篤行李野  
飯中道宿驚沙卷旂烏尾訛城角騷騷家治具夫子且  
歸沐作書寄後乘為我遣臣僕起君大夫人并問相與睦  
烏尾訛城角騷騷一本作  
烏尾城角騷騷音

送鄭彥能宣德知福昌縣

往時河北盜橫行白晝驅人取一作城郭唯聞不犯鄭冠氏  
犬吠不驚民氣樂祇今化兵作鋤耰田舍老翁百不憂銅  
章去作福昌縣山中讀書民有秋福昌愛民如父母當官  
不擾萬事舉用才之地要得人眼中虛席十四五不知諸  
公用心許魯恭卓茂可人否

顯聖寺庭枸杞

仙苗壽日月佛界承露雨誰為萬年計乞此一坏土扶踈  
上翠蓋磊落綴丹乳去家尚不食出家何用許政恐落人  
間采剝四時苦養成九節杖持獻西王母

平陰張澄居士隱處三詩

仁亭

無心經世網有道藏丘山養生息天黥藝木印歲寒德人  
牆九仞強學窺一斑張侯大雅質結髮闡儒關跼羸或諧  
偶老大嘗難築亭上雲雨日月轉朱欄林敷聽萬籟我  
家頗寬閑牧牛有坦塗亡羊自多端市聲塵午枕常以此  
心觀

復庵

春糧出求人行李彌宇宙久客渺然人馬飢僕夫瘦歸來

一丘中萬事不改舊禾黍鋤其驕牛羊鞭其後隱几天籟  
寒六鑿忽通透

真泉

水德通萬物發源會時亨伏坎非心願成川且意行棲蓮  
林立下欵濯無塵纓杖藜逢載酒一瓢酌餘清

雙井茶送子瞻

人問風日不到處天上玉堂森寶書想見東坡舊居士揮  
毫百斛瀉明珠我家江南摘雲腴落磴霏霏雪不如爲公  
喚起黃州夢獨載扁州向五湖

和谷子瞻

一月空回長者車報人問疾遣兒書翰林貽我東南句窻  
間默坐得玄珠故園溪友膾腹腹遠包春茗問何如玉堂



士意氣傾九州道山延閣委竹帛清都太微望冕旒貝宮  
胎寒弄明月天網下罩一日收此地要湏無不有紫皇訪  
問富春秋晁無咎贈君越侯所貢蒼玉璧可烹玉塵試春  
色澆君胃中過秦論斟酌古今來活國張文潛贈君洮州  
綠石含風漪能淬筆鋒利如錐請書元祐開皇極第入思  
齊訪落詩

晁張和荅秦觀五言予亦次韻

山林與心違日月使鬢換儒衣相詬病文字奉娛玩自古  
非一秦六籍蓋多難詩書或發冢熟念令人惋秦君銳本  
學驥子已血汗相期驂天衢伯樂嘗一眎士為歎心縛才  
勇輒尺懦要當觀此心日照雲霧散扶踈萬物影宇宙同  
唯礫置規豈惟君亦自警弛慢

常父惠示丁卯雪十四韻謹同韻賦之

春皇賦上瑞來寧黃屋憂下令走百神大雲庇九丘風聲  
將仁氣艷艷生瓦溝寒花舞零亂表裏照皇州千門委圭  
璧曉了不肯收元年冬無澤穴處長蝨蠹兩宮初肝食補  
袞獻良籌有道四夷守無征萬邦休耆年秉國論涇渭極  
分流輟耒入班品逸民盡歸周股肱共一體間不容戈矛  
人材如金玉同美異別柔政須衆賢和乃可踈共咬改弦  
張敞法病十九已瘳王指要不匿蝕非日月羞桑林請六  
事河水問九疇天意果然得玄功與吾謀此物有嘉德占  
年在麥秋近臣知天喜玉色動冕旒儒館無它事作詩配  
崇丘

次韻荅曹子方雜言輔



憂鵬入歸來杞國痛天摧玉堂却對鄧公直北門喚仗聽  
風雷山川悠遠莫浪許富貴崢嶸今鼎來萬壑松聲如在  
耳意不及此文生哀

和荅子瞻和子由常父憶館中故事詩

二蘇上連壁三孔立分鼎少小看飛騰中年嗟遠屏風撼  
鶴鵝枝波寒鴻鴈影天不極斯文俱來集臺省日月黃道  
明桃李清晝永時平少狂狷地禁絕畫黽頗懷脩故事文  
會陳采茗當時羣王府人物殊秀整下直馬闌闌杯盤具  
俄頃共醉凌波襪誰窺投轄井天網極恢疎道山非簿領  
何曾歸閉門燈火坐閑冷款觀太平象復古望公等賤子  
託後車常願莫湯餅

村公定無一  
次家五字  
整不司作深

西風一葉脫迹已不可  
掃  
白馬生朝  
諫草誰云  
事君難是亦父子間  
所要功補  
不言能犯  
顏

四會有黃令學古著  
勳多白頭  
對紅葉  
奈此搖落  
何雖懷  
斲鼻巧有斧且無柯  
安得五十  
餘奏此寒  
士歌

采蓮涉江湖采菊度  
林藪  
挿鬢不成  
妍誰憐  
飛蓬首  
平生  
耦耕地風雨深  
稂莠謝公  
遂如此永  
袖絕絃手

往日孫陽  
程才可任  
遺補擊強  
如摧枯  
食藥不知  
苦屬者  
缺諫垣時論  
或未許  
儻可假一  
邦使民作  
鄒魯

用智常恨  
耄用決常  
恨早推轂  
天下士誠  
心要傾倒  
海宇  
日清明廟堂  
勤灑掃何  
為陳師道  
白髮二經  
草

謝送礪識壑源揀芽

商雲從龍小蒼壁  
元豐至今人未識  
壑源包貢第一春  
細

險藥香供玉食睿思殿東金井欄甘露薦柳天開顏橋山  
事嚴庀百局補袞諸公省中宿中人傳賜夜未央雨露恩  
光照宮燭左丞似是李元禮好事風流有涇渭肯憐天祿  
校書即親救家庭遣分似春風飽識太官羊不慣腐儒湯  
餅腸搜攪十年燈火讀令我曾中書傳香已戒應門老馬  
走客來問字莫載酒一作補袞

以小團龍及半挺贈無咎并詩用前韻為戲

我持玄圭與蒼璧以暗投人渠不識城南窮巷有佳人不  
索賓即常晏食赤銅茗椀雨斑斑銀粟翻光解破顏上有  
龍文下棊局擔囊贈君諾已宿此物已是元豐春先皇聖  
功調玉燭晁子曾中開典禮平生自朗華與渭故用先君  
五言詩句已雪相似曲几團蒲聽煮湯

羊腸鷄蘇胡麻留渴羌不應亂我官焙香肥如瓠壺鼻雷  
吼幸吾飲此勿飲酒一作探囊一本

次韻子由績溪病起被召寄王定國

種萱盈九畹蘇子憂國病炎蒸臥百戰山立有餘勁斯人  
廊廟器不合從遠屏江湖推歸心白髮侵老境艱難喜歸  
來如晴月生嶺仍懷阻歸舟風水蛟鱷橫補袞諫官能用  
儒吾道盛上書詆平津蠹藁初記省至今民社計非事頰  
舌競方來立本朝獻納繼晨暝人材包新舊王度濟寬猛  
必開曲突謀滿慰傾耳聽斯文呂與張泉下亦蘇醒天聰  
四門闢國勢九鼎定身得遭太平分甘守閑冷天津十年  
面想見頰而整何時及國門休暇過煮茗燒燈留夜語鴻  
鴈看對影但恐張羅地頗復多造請維此禮部公寒泉整

舊井謫去久羸瓶  
召還汲脩綆  
太任決齋宮  
陛下天統慶  
日月進亨衢  
經緯寒耿耿  
西走已和戎  
南遷無哀郢  
誰言兩逐臣  
朝轡天街並  
王子竄炎洲  
萬死保軀命  
還家頗故紅  
信亦抱淵靜  
稅屋待車音  
掃門親帚柄  
行當懷書傳  
載酒求是正  
端如掌橄欖  
苦過味方永

秘書省冬夜宿直寄懷李德素

曲肱驚夢寒皎皎  
入牖下出門問何祥  
岑寂省中夜  
姮娥携青女  
一笑緊萬瓦  
懷我金玉人  
幽獨秉大雅  
古來絕朱絃  
蓋為知音者  
同牀有不察  
而况子在野  
獨立占少微  
長懷何日寫

次韻荅邢惲夫

為山不能山  
過在一竇止  
渥注騏驎兒  
墮地志千里  
眠江

初盤鷲入楚  
乃無底  
將扶聖  
道自有  
庶陞邢子好  
少年如世有  
源水方求  
無津源  
不深  
蛙井喜兒由  
兀老蒼趣  
造甚奇異  
過閱王公門  
袖中有漫刺  
別來阻河山  
望遠每障袂  
斯文向千載  
有志常寡遂  
後生文楚楚  
照影若孔翠  
不應太玄草  
晞價咸陽市  
雨作枕簟秋  
官閑省中睡  
夢不到  
漢東茗椀  
乃為崇聞君  
肺渴減頗復  
佳食寐讀書  
得新功來鴈  
寄一字

奇異一作奇偉

次韻張仲謀過醴池寺齋詢

十年醉錦幄  
醪醑照金沙  
歌眠春風底  
不去留君家  
是時應門兒  
紫蘭茁其牙  
只今將弟妹  
嬉戲牽羊車  
忽書滿窻紙  
整整復斜斜  
平生悲歡事  
頭緒如亂麻  
苟祿無補報  
幾成來食嗟  
喜君崇名節  
青雲似可涯  
我夢江湖去  
釣船刺

蘆花江濱開園宅畦蔗蔣梨相夢驚如昨日炊玉困京華  
公來或藜羹愛我不疵瑕深念煩鄉里忍窮禁貸賒夜談  
簾幕冷霜月動金蛇即是桃李月春蟲語交加我亦無酒  
飲一室可盤媧要公共文字朱墨勘殊差非復少年日聲  
名取媿媿諸阮有二妙能詩定自嘉何時來煮餅蟹眼試  
官茶

送謝公定作竟陵主簿

謝公文章如虎豹至今斑斑在兒孫竟陵主簿極多閒萬  
事不理專討論澗松無心古須鬣天球不琢中粹溫古  
塵以百馬奔劇談風霆九河翻胸中恢疎無怨恩當言  
庶且不煩吏民欺公亦可忍慎勿驚魚使水渾漢漢蒼蒼  
今誰存細馬高蓋徒紛紛安知四海皆驚燕燕掛家音

山雲

贈送張叔和

張侯溫如鄒子律能令陰谷蒸生春有齊先君之季女十  
年擇對無可人箕帚掃公堂上塵家風孝友故相親廟中  
時薦南澗蘋兒女衣袴得補紉兩家俱為白頭計察公與  
人意甚真吏能束縛老姦手要使鰥寡無顰呻但送此光  
還照已平生倦學古日新我提養生之四印君家所有更  
贈君百戰百勝不如一忍萬言萬當不如一點無可簡擇  
眼界平不藏秋毫心地直我眩三折得此醫自覺處躔生  
光輝團蒲日靜鳥吟時鑪薰一炷試觀之作靜

次韻秦觀過陳無已書院觀鄙句之作師道

陳侯大雅姿四壁不給第碌碌盆盎中見此古壘洗薄飯

不能美牆陰老春蕪唯有文字性萬古抱根柢我學少師  
承坎井可窺底何因蒙賞味相享當杜醴試問求志君文  
章自有體玄鑰鎖靈臺集當為公啓惟有文字作文字

次韻子瞻送顧子敦河北都運二首原

儒者給事中顧公其魁偉經明往行河商略頗應史勞人  
又費之國計安能已成功渠有命得人斯可喜似聞阻飢  
餘惡少驚邑里啟鑰探珠金奪懷取味美部中十盜發  
二書奏紙西連魏三河東盡齊四履此豈小事哉何但得  
治水使民皆農桑乃見真儒耳

今代顧虎頭骨相自雄偉不令長天官亦合丞御史能貧  
去四壁無溫可三已昨來立清世國一相顧喜何因將使

三千里仍黜不居中似任錄為事在

紙發政恐傷民天步薄冰履蒼生憂其魚商而多  
被水公行圖安集信目勿信耳

錢子敦席上奉同孔經父八韻文仲

日永知槐夏雲黃喜麥秋同朝國士集賜沐吏功休祇園  
冠蓋地清與耳目謀晴雲浮老椀飛電落文揪一客衆主  
人醉此顧虎頭虎頭持龍節排河使東流歛田惟上上桑  
麻十數州計功不汗馬可致萬戶侯龍節

次韻寄晁以道說之

河漢牛與女咫尺不得語歡然共秋盤以茲不忘故我友  
在天未問天許見否雲雨隔九關日月不我與念公坐臞  
禪守心如縛虎頗思携法喜舉案饁南畝不聞犯齋收猶  
聞畫眉翻良為鼻祖來渠伊為伴侶我有桂溪刀聊憑東

風去

次以道韻寄范子夷子默

正評

鼓缶多秦聲琵琶作胡語是中非神奇根器如此故范公  
秉文德斷國極可否至今筦樞機大度而少與蟬媿世有  
人風壑嘯兩虎小心學忠孝鄙事能壠畝持論不遽條奉  
身謝誇詡頗知城南園文會英俊侶何當休休歸懷若就  
前去

僧景宗相訪寄法王航禪師

抱牘稍退鳧驚行倦禪時作橐駝坐忽憶頭陀雲外人閑  
門作夏與僧過一絲不掛魚脫淵萬古同歸蟻旋磨山中  
雨熟瓜芋田喚取小僧休乞錢

送李德素歸城

僧夏莫問塗麥秋宜煮餅比寺旬休歸長節六月冷簾翻  
寒江浪茶破蒼壁影李侯為我來過以歸期請青衿廢詩  
書白髮違定省荒畦當鉏灌蠹簡要籤整挽衣不可留決  
去事幽屏天恢獵德網日饒養賢鼎此士落江湖熟思令  
人瘦胸中言祥宅膜外榮奪境婆娑萬物表歲刃避肯察  
人生要當學安燕不徹警古來惟深地相待汲脩綆

謝王仲至惠洮州礪石黃玉印材欽臣

洮礪發劍虹貫日印章不琢色蒸栗磨礪頑鈍印此心佳  
人持贈意堅密佳人鬢彫文字工藏書萬卷曾次同日臨  
天開泰真龍新詩得意拔雷風我貧無句當二物看公倒  
海取明月

題松下淵明

南渡誠草草長沙想艱難松風自度曲我琴不須彈遠公  
香火社遺民文字禪雖非老翁事幽尚亦可觀客來欲開  
說觴至不得言開一作問

次韻子瞻詠好頭赤圖

李侯畫骨不畫肉筆下馬生如破竹秦駒雖入天仗圖猶  
恐真龍在空谷精神權哥汗溝亦有頭赤烏能逐日安得  
身為漢都護三十六歲看歷歷亦畫肉一作不畫肉天仗一  
天仗自有赤烏一依有頭赤

詠伯時虎脊天圖

筆端那有此千里在留中四蹄雷電去一顧馬群空誰  
乘此物超俗駕長風定計歸轡勒歲在執徐同雷電

詠伯時象龍圖

上黨良不子况煥如鼠狀三十學春秋

不如甘延壽雖無千戶封乃得六龍友

題竹石牧牛

野次小崢嶸幽篁相依綠阿童三尺箠御此老叢棘石吾  
甚愛之勿遣牛礪角牛礪角尚可牛鬪殘我竹

觀伯時畫馬

儀鸞供帳餐虬行翰林濕新爆竹聲風簾官燭淚縱橫未  
穿石盤未渠透坐窻不傲令人瘦貧馬百散逢一豆眼明  
見此五花驄徑思著鞭隨詩翁城西野桃尋小紅

記夢

衆真絕妙擁靈君曉然夢之非紛紜窻中遠山是眉黛  
上榴花昔舞裙借問琵琶得聞否靈君色莊奴採手兩客  
爭棋爛斧柯一兒壞局君不呵杏梁歸燕空語多柰此雲

窻霧閣何

豫章黃先生文集第三

豫章黃先生文集第三

古詩五十首

和答外舅孫莘老寄同舍

次韻子瞻送李守

次韻子瞻和王子立風雨敗書屋有感

次韻子瞻寄眉山王宣義

聽宋宗儒摘阮歌 次韻文潛同游王舍人園

次韻定國聞子由臥病績溪

博士王揚休碾密雲龍同事十三人飲之戲作

答黃冕仲索煎餅并并簡揚休

再答冕仲

戲答陳元輿

再答元輿

次韻冕仲考進士試卷



演雅

戲答趙伯充勸莫學書及為席子澤解嘲

戲書秦少游壁 次韻孫子實寄少游

次韻答秦少章乞酒 贈秦少儀

次韻子實題少章寄寂齋

送少章從翰林蘇公餘杭

便糴王丞送瑋香酒用子瞻韻戲贈鄭彥能

詠史呈徐仲車 宿舊彭澤懷陶令

臥陶軒 次韻吳宣義三徑懷友

送劉季展從軍鴈門二首

題宛陵張待舉曲肱亭

送張天覺得登字

戲和荅禽語 和邢惲夫秋懷十首

次韻子瞻題無咎所得文與可竹二首

次韻文潛休沐不出二首

和游景叔月報三捷

謝景叔惠冬笋雍酥水梨三物

再荅景叔

出城送客過故人東平侯趙景珍墓

寄尉氏倉官王仲弓

和荅外舅孫莘老

西風挽不來殘暑推不去出門屐鞞帽稅駕喜巾履道山

鄰日月清樾深牖戶同舍多望即閑官無窘步少監巖壑

姿宿昔廊廟具行趨補衮職黼黻我王度歸休飲熟客觴

豆愆調護浩然養靈根勿藥有神助寄聲舊僚屬訓誥及  
七箸尚憐費諫紙玉唾灑新句北焙碾玄壁谷蕪煮甘露  
何時臨書几剝艾談至暮

次韻子瞻送李夢

驥子墮地追風日未試千里誰能識習之實錄葬皇祖斯  
文如女有正色今年持橐佐春官遂失此人難塞責雖然  
一闕有奇耦博懸於投不在德君看巨浸朝百川此豈有  
意漢潦前願為霧豹懷文隱莫愛風蟬蛻骨仙

次韻子瞻和王子立風雨敗書屋有感

婦翁不可搗王郎非嬌客十年為從學苦淡共埋厄燕雀  
蚩鴻漸犬羊脫麟獲遇逢涇渭分賸夢春冰釋平生五車  
才止二三策已作謗薰天金朱果何益君窮一窻下風

雨更削跡詩工知學進詞苦見意迫俗情傲秦賢好會不  
煖席南治從東家不聞被嘲劇師儒並世難日月過箭湏  
公今未有田把筆耕六籍

次韻子瞻寄眉山王宣義

叅軍但有四立壁初無臨江千木奴白頭不是折腰公桐  
帽棕鞵稱老夫滄江鷗鷺野心性陰壑虎豹雜牙須鸚鵡  
作裘初服在猩血染帶鄰翁無昨來杜鵑勸歸去更得把  
酒聽提壺當今人材不乏使天上二老須人扶兒無飽飲  
尚勤書婦無複禪且著襦社甕可漉溪可漁更問黃雞肥  
與癯林間醉著人伐木猶夢官下聞追呼萬釘圍腰三愛  
渠富貴安能潤黃壚

聽宋宗儒摘阮歌

翰林尚書宋公子文采風流今尚爾自疑耆域是蕭身囊  
中探丸起人一作死兒如千歲枯松枝落魄酒中無定止得  
錢百萬送酒家一笑不問今餘幾手揮琵琶送飛鴻促絃  
聒醉驚客起寒蟲催織月籠秋獨鴈叫群天拍水楚國器  
臣放十年漢宮佳人嫁千里深閨洞房語恩怨紫燕黃鸝  
韻桃李楚狂行歌驚市人漁父挈舟在葭葦問君枯木著  
朱繩何能道人意中事君言此物傳數姓玄壁庚庚有橫  
理閉門三月傳國工身今親見阮仲容我有江南一丘壑  
安得與君醉其中曲肱聽君寫松風一作阮成

次韻文潛同遊玉舍人園

移竹淇園下買花洛水陽風煙二十年花竹可迷藏九衢  
流車馬相值各匆忙豈有道人靜居如寶以幅巾還客

酒妙歌小紅裳主人有班級衣掛御爐香常恐鷓鴣鳴百  
草為不芳故作龜曳尾頗深滌園方初開蝸牛廬中置師  
子牀買田宛丘間江漢起濫觴今此百畝宮冬溫夏清涼  
身閑閱世故宇靜發天光安肯聲利場牽黃臂老蒼張侯  
筆瑞世三秀麗齋房作詩盛推賞明珠計斛量掃花坐晚  
吹妙語益難忘重游樊素病捧心不能雜來日猶可追聽  
我歌楚狂

次韻定國聞蘇子由臥病績溪

炎洲冬無冰十月雷虺虺及春瘡瘍行用人祭非鬼巫師  
司民命藥石不入市溪壑潛然穢土風甚不美蘇子臥江  
南感嘆中夜起聞道病在牀食蕪不知旨寒暑戰習中士  
窮有如此此公天機深爵祿心已死養生遺形骸觀妙得

骨髓后皇時嘉橘中歲多成叔佳人何時來為天啓玉齒  
前被瘴霧姿朝趨去天咫諸公轉鴻鈞國器方薦砥矢詩  
寫予心莊語不加綺

博士王揚休輟密雲龍同事十三人飲之戲作

亂雲蒼壁小盤龍貢包新樣出元豐王師坦腹飯牀東太  
官分密米婦翁棘園深鎖武成宮談天進上雕虛空鳴鳩  
款款高雌雄南嶺北嶺宮徵同午憲欲眠視濛濛喜君開  
之唯蒸風注湯官焙香出籠非君灌頂甘露枕幾為談天  
乾舌本

卷苗冕仲索煎雙井并簡揚休

江表無雙乃吾宗同舍頗似王安豐能澆茗椀前被我風  
快欲迓浮仁翁吾宗洛華真幽事秋月下照登江王家山

鷹爪是小草取與好

寒泉

鼎聽松風夜堂

倚新詩

可傳本

再答冕仲

丘壑詩書雖數窮田園芋栗頗時豐小桃源口雨繁紅春  
溪蒲稗沒鳧翁投身世網夢歸去摘山鼓聲雷隱室秋堂  
一笑共燈火與公草木臭味同安用茗澆磊隤曾他日過  
飯隨家風買魚貫柳雞著籠更當力負開酒梳走謁鄰翁  
稱子本

戲答陳元與軒

平生所聞陳汀州蝗不入境年屢豐東門拜書始識面鬢  
髮幸未成老翁官饗同盤厭腥膩茶甌破睡秋堂空自言

不復城眉夢枯淡頗與小人同但憂迎笑花枝新帶紅夜  
窻冷雨打斜風秋衣沉水換薰籠銀屏宛轉復宛轉意根  
難拔如薤本

再答元輿

君不能入身帝城結子公又不能擊強有如諸葛豐法當  
憔悴百寮底五十天涯一秃翁問君何自今為即便殿作  
賦聲摩室偶然樽酒相勞苦牛鐸調與黃鐘同安得朱轡  
各憑熊江南樓閣白蘋風勸歸啼鳥曉窻籠兒避迨功  
補袞烏倦歸巢葉歸本

次韻吳仲考進士試卷

少來迷翰墨無異蟲蠹木諸生程藝文承認當品目牀敷  
設箱篋賦納忽數束變名混甲乙謔寫失句讀書窻過白

駒夜几跋紅燭鈎深思嘉魚玫瑰願良玉談天用一律伸  
詎厭重複絲布澁難縫快意忽破竹聖言禪曲學割袞綴  
邪幅注金無全巧竊發或中鵠翟公辟癰老薪樵茂棫樸  
御史威降霜行私不容粟吏部提英釐片善蒙采錄博士  
刈其楚銓量頗三復因人享成事賤子真碌碌受白駒一

演雅

桑蠶作繭自纏裹珠螫結網工遮邏燕無居舍經始忙蝶  
為風光勾引破老鶻銜石宿水飲釋蜂趨衙供蜜課鵲傳  
占語安得閑雞催晨興不敢臥氣陵千里蠅附驥枉過一  
生蟻旋磨蟲聞湯沸尚血食雀喜宮成自相賀晴天振羽  
樂蟬游空穴祝兒成螺贏蛄蟻轉丸賤蘇合飛蛾赴燭甘  
死禍井邊蠹李螯苦肥枝頭飲露蟬常餓天螻伏隙錄人

語射工含沙須影過訓狐啄屋真行怪蠓蛸報喜太多可  
 鷓鴣密伺魚蝦便白鷺不禁塵土流絡緯何嘗省機織布  
 穀未應勤種播五技鼯鼠笑鳩拙百足馬玄憐鱉破老蚌  
 胎中珠是賊醢鷄瓮裏天幾大螳螂當轍恃長臂熠燿宵  
 行矜照火提壺猶能勸沽酒黃舌只知貪飯顆伯勞饒舌  
 世不問鸚鵡纔言便關鎖春蛙夏蜩更嘈雜上蚓壁蟬何  
 碎瑣江南野水碧於天中有狎鷗閑似我作白鷗  
 戲卷趙伯充勸莫學書及為席子澤解朝叔齋  
 平生飲酒不盡味五鼎饌肉如嚼蠟我醉欲眠便遣客三  
 年窺牆亦而壁空餘小處謝聖場更說頽傍明窻偶隨  
 兒戲洒墨汁衆人許之味幻出萬  
 物真成狂龍蛇吐壘家人罵笑

寧有道汚漆黃敗粉牆誠不如南鄰席明府蛛網鎖硯  
 蝸書梁懷中採之也九死才術頗似漢太倉感君詩句喚  
 夢覺邯鄲初未熟梁身如朝露無牢強玩此白駒過隙  
 光從此永明書百卷自公退食一爐香

戲書秦少游壁

丁令威化作遼東白鶴歸朱顏未改故人非微服過宋風  
 退飛宋父擁篲待來師誰饋伯牢鸚鵡妃秦氏烏生八九  
 子雅烏之兄畢通尾倍炊門杜烹伏雌未肯增巢令汝棲  
 莫愁野雉踈家雞但願土人印繫壘

次韻孫子實寄次游端

薛宣欲吏雲季氏或招閔此公胸中秋萬物被收摭賣藥  
 偶知名草玄非近準才難不易得志大畧細謹士生要弘

殺天地為蓋軫驥來鹽車驂井下短綆引難甘呼爾食聊  
寄繁然鞞誰能借前籌遠婦用束緼吾聞調羹鼎異味及  
扮槿豈其供王羞而棄會稽笋

次韻答秦少章乞酒期

朝事鞍馬早吏曹文墨校初無尺寸補但於友朋踈豈知  
簞瓢子臥起一牀書爰其道竟舜雪屋相與娛步出城東  
門野鳥吟廢墟頗知富貴事勢窮心亦舒詩來獻窮狀水  
餅嚼冰蔬斗酒得醉否枵腹如瓠壺亦可召西舍侯羸非  
博徒

贈秦少儀觀

汝南許文休馬磨自衣食但得世名籍籍湏命  
有顯晦非人作通塞秦氏多

行筆皆萬人敵吾蚤知有觀而不知有覲少儀袖詩來剖  
蚌珠的歷乃能持一鏃與我箭鋒直自吾得此詩三日臥  
向壁挽士不能寸推去輒數尺才難不其然有亦未易識  
此詩一作挽士一作挽來

次韻子實題少章寄寂齋

虛名誤壯夫今古可笑閔死裏萬里歸書載五車攜安知  
衡門下身與天地準秦晁兩美士內行頗修謹余欲造之  
深抽琴去其軫寄寂喧闕間此道一作深有汲引獄戶聞答  
榜市聲雜嘲鞞二生對曲肱圭玉發石蘊小大窮鵬鷃短  
長見椿槿一作付欲聞寂時聲黃鍾在龍筍

送少章從翰林蘇公餘杭

東南淮海惟揚州國士無雙秦少游欲攀天關守九虎但

有筆力迴萬牛文學縱橫乃如此故應當家有季子時來  
誰能力作難鴻鴈行飛入道山斑衣兒啼真自樂從師學  
道也不惡但自作使新年勝故年即如常在即罷前

便糴王丞送碧香酒用子瞻韻戲贈鄭彥龍

食貧好飲嘗自嘲日給上尊無國相大農部丞送新酒瑤  
香竊比主家釀應憐坐客竟無種更遭官長頗譏謗銀杯  
同色試一傾排遣春寒出幃帳浮蛆翁翁盃底滑坐想康  
成論泛盃重門著關不為君但備惡客來仇餉送新一作肯送

詠史呈徐仲車積

諸葛見益州釋耒卷三顧川流恨未平武功原上路杜微  
對諸葛輿致但求去傾心倚經綸坐上漫書疏白鷗渺兼  
葭霜鷗在指呼借問諸葛公何如迎主

宿舊彭澤懷陶令

潛魚願深渺淵明無由逃彭澤當此時沉冥一世豪司馬  
寒如灰禮樂卯金刀歲晚以字行更始號元亮淒其望諸  
葛抗辭猶漢相時無益州牧指搗用諸將平生本朝心歲  
月閱江浪坐餘詩話工落筆九天上向來非無人此友獨  
可尚屬予剗制酒無用酌杯盃欲招千載魂斯文或宜當

臥陶軒為晁無咎作

陶公白頭臥宇宙一北窻但聞窻風雨平陸漫成江卯金  
扛九鼎把菊醉胡牀城南晁正字國器無等雙日月麗宸  
極大明朝萬邦假版未通班曉嚴夢逢逢萬卷曲肱裏曾  
中湛秋霜亦有好事人叩門提酒缸欲眠不遣客真處更  
難忘



次韻吳宣義三徑懷友

佳眠未知曉屋角聞晴哢萬事頗忘懷猶牽故人夢采蘭  
秋蓬深汲井短綆凍起看冥飛鴻乃見天宇空甚念故人  
寒誰省機與綜往者天一方日月老賓送往者不可言古  
栢守翁仲

送劉季展從軍鴈門二首

劉郎才力耐百戰蒼鷹下韝秋未晚千里荷戈防犬羊十  
年讀書厭藜藿試尋北產汗血駒莫殺南飛寄書鴈人生  
有祿親白頭可令一日無甘饌

石碕谷中玉子瘦金劉窻前藥草肥仙家耕耘成白壁道  
人煮掘起風靡絳囊璀璨思盈斗竹畚香甘要百園到官  
莫道無來使日日北風鴻鴈歸

題宛陵張待舉曲肱亭

仲蔚蓬蒿宅宣城詩句中人賢忘巷陋境勝失途窮寒蕝  
書萬卷零亂副直曾偃蹇勲業外嘯歌山水重晨鷄催不  
起擁被聽松風

送張天覺得登字

張侯起巴渝翼若垂天鵬歷詆漢諸公霜風拂觚稜去國  
行萬里淡如雲水僧歸來頭益一作亦白小試不盡能湖海尚  
豪氣有人議陳登持節上三晉典刑寄哀矜公家有閑日  
禪窟問香燈因來叙行李斬寄老崖藤

戲和荅禽語

南村北村兩一犁新婦餉姑翁哺兒田中啼鳥自四時催  
人脫袴著新衣著新替舊亦不惡去年租重無袴著

和邢惲夫秋懷十首 居實

殘暑已做裝好風方來歸未能踈團扇頗復製秋衣高蟬  
遽如許長吟送落暉相戒趣女功莎蟲能表微

曩時高唐客暮雨朝行雲陰居懷天匹楚觀夢紛紜我欲  
覩光儀齋明炷爐薰天高萬物肅誰為帝子魂

七均師無聲五和常主淡芸芸觀此歸一德曾真濫夢臨  
秋江水魚蝦避窺瞰明月本無心誰令作寒鑑歸此妙一  
作觀此歸

王度無畦畛包荒用馮河秦收鄭渠成晉得楚材多用入  
當其物不但軸與邁六通而四闢玉燭四時和

相如用全趙留侯開有漢名登泰山重功略天下半讓頗  
封歸鼓事成群疑泮天道常曲全小智驚後患金蘭天能

慶州名父子忠勇橫八區許身如稷契初不學孫吳荷戈  
去防秋面皴鬢欲踈雖折千里衝豈若秉事樞

謝公蘊風流詩作鮑照語絲蟲繁草紙筆力挾風雨萬二  
投諫書石交代豺虎世方用賢髦先成泉下土

今日號川堂堂古遺直許國輸九死補天鍊五色頗能  
諫貧缺人壽無金石西風壯士一作淚多為程顥滴

吾交陳師道抱瑟不吹竽文章似揚馬欬唾落明珠固窳  
有瞻氣風壑嘯於菟秋來入詩律陶謝不校梧

邢子卧北窓吟秋意少一作讀書用意苦嘔血一作乃翁安得  
和扁輩為浣學古胷肺熱今好否微涼生井桐

次韻子瞻題無咎所得與可竹二首粥字韻戲嘲  
無咎人字韻詠竹

十字供籠餅一水試茗粥忽憶故人來壁間風動竹舍前

粲我葵舍後荒首著此即如竹瘦十飯九不肉  
地下文夫子風流絕此人能和晚煙色幻出歲寒身馬  
松成拱鷺溪墨尚新應懷斷泥手去作王林神

次韻文潛休沐不出二首

風塵車馬逐得次兩關心惟有張仲蔚門前蓬藿深自公  
及歸休畢願詩書林墻東作馬萬里氣駸駸文潛善畫馬  
與世自少味閉關非有心戒一笑粲露井百尺深著書  
洒風雨枯筆束如林蘇公歎妙墨逼人太駸駸

和游景叔月報三捷師雄

漢家飛將用廟謀復我匹夫匹婦讎真成折箠禽胡月下  
是黃榆牧馬秋幄中已斷匈奴臂軍前可飲月氏頭願見  
手掃胡渭上諸將不用萬石侯

謝景叔惠冬筍雍酢水梨三物

玉人憐我長蔬食走送厨珍不自嘗秦牛肥膩酥勝雪漢  
苑甘寒梨得霜冰底劉春生笋束豹文解籜饌寒玉見他  
桃李憶故園曉猿應殘遶窻竹

再答景叔

女三爲粲當獻王三珍同盤乃得嘗甘泉下繞藜莧腸今  
我詩句挾風霜小人食珍敢取足都城一飯炊白玉賜錢  
千萬民猶飢雷後排簷凍銀竹

出城送客過故人東平侯趙景珍墓今墳

朱顏苦一作欲留不肯仕白髮政爾欺得人嬋娟去作誰家妾  
意氣都成一聚塵今日牛羊上丘壑當時近前左右嗔花  
開鳥啼荆棘裏誰與平章作好春

寄劉氏倉官王仲弓

嘯臺有佳人玄髮鑑筭珥登高歌一曲聽者傾城市門無  
行媒迹草木倚樵悴人物方眇然誰能委圭幣

豫章黃先生文集第四

豫章黃先生文集第五

黃庭堅曾自

古詩七十首

考試局聞孫元忠誦書戲作竹枝歌三章

效王仲至少監詠姚花用其韻四首

戲答王定國題門兩絕句

答許覺之惠桂花椰子茶孟二首

戲答陳季常寄黃州山中連理松枝三首

姨母李夫人墨竹二首

王才元惠梅花三種皆妙絕戲答二首

王稚川既得官都下有所盼未歸戲作款乃歌

二章

次韻子瞻子由題懋寂園二首

劉晦叔許洮河綠石研

寺齋睡起

王立之承奉詩報梅花已落盡次韻戲答

自門下後省歸卧醺池寺觀盧鴻草堂圖

頤軒詩六首

賈天錫惠寶薰乞詩予以兵衛米林畫報燕衣

清香十字作詩報之

戲詠蠟梅二首

題子瞻寺壁小山

題子瞻枯木

題伯時畫掛蟬

題伯時畫觀魚

題伯時畫頰塵

題伯時畫嚴子陵釣灘

題劉將軍鴈

戲題小雀埤飛燕書扇

題畫孔雀

睡鴨

小鴨

竹枝詞二首

次宿歌羅驛漫李白竹枝詞三疊

行次巫山宋懋宗道騎送折花厨醞

萬州下巖

次浮塘驛見張施州小詩次其韻

題瘦驢嶺馬鋪

上南陵城

謫居黔南五首

考試局與孫元忠博士竹間對窓夜聞元忠誦書

聲調悲壯戲作竹枝歌三章和之

南窓讀書聲吾伊北窓見月歌竹枝我家白髮問烏鵲他

家紅粧占蛛絲

屋山啼鳥兒當歸玉釵鬢蛛郎馬嘶去時燈火正月半  
前雪消萱草齊  
勃姑夫婦喜相喚街頭雪泥即漸乾已放游絲高百尺不  
應桃李尚春寒

效王仲至少監詠姚花用其韻四首

映日低風整復斜綠玉眉心黃神遞大梁城裏雖罕見心  
知不是牛家花

九嶷山中萼綠華黃雲承轡  
託餘情開此花

仙衣襪積駕黃鵠草木無光一笑  
待成陰葉下來

湯沐冰肌照春色海牛押簾  
蜂須蝶翅來

戲答王定國題門兩絕句  
非復三五少年日把酒償春頰生紅白鷗入群頗相委不

謂驚起來賓鴻  
頗知歌舞無窳鑿我心塊然如帝江花裏雄蜂雌蛺蝶同

時本自不作雙

答許覺之惠桂花椰子茶盃二首彥先

萬事相尋榮與衰故人別來鬢成絲欲知歲晚在何許唯  
說山中有桂枝

碩果不食寒林梢割而噐之如懸匏故人相見各貧病猶  
可烹茶當酒肴

戲答陳季常寄黃州山中連理松枝二首 隨

故人折松寄千里想聽萬壑風泉音誰言五鬣蒼煙面猶  
作人間兒女心

老松連枝亦偶然紅紫事退獨參天金沙灘頭鎖子骨不  
妨隨俗斲嬋娟

姨母李夫人墨竹二首

深閨淨几試筆墨白頭腕中有斛力榮榮枯枯皆本色懸  
之高堂風動壁

小竹扶踈大竹枯筆端真有造化靈人間俗氣一點無健  
婦果勝大丈夫

王才元惠梅花三種皆妙絕戲各三首

棧

城南名士遣春來三月乃見臘前梅定知鎖著江南客故  
放綠梢春晚回

一作  
棧

舍人梅塢無關鎖携酒俗人來未曾舊時愛菊陶彭澤今

作梅花樹下僧

病夫中歲屏枯杓百葉緗梅觸撥人拂殺官黃春有恩滿  
城桃李不能春

一作  
棧

王稚川既待一作官都下有所盼未歸予戲作林夫

人歎乃歌二章與之竹枝歌本出三巴其流在湖

湘耳歎乃乃湖南歌也

教音  
乃音

花上盈盈人不歸棗下纂纂實已垂臘雪在時驢馬嘶長  
安城中花片飛

從師學道魚千里蓋世成功黍一炊日日倚門人不見看  
盡林烏反哺兒

次韻子瞻子由題懋寂圖二首

松舍風雨石骨瘦法密寂寥僧定時李侯有句不肯吐淡  
墨寫出無聲詩

龍眠不似虎頭癡筆妙天機可並時蘇仙漱墨作蒼石應  
解種花開此時

劉晦叔許泚河綠石研

又間岷石鴨頭綠可磨桂溪龍文刀莫嫌文吏不知武要  
試飽霜秋兔毫

寺齋睡起

元醮地寺睡起二首其一  
東字韻見第九卷

小點大癡螳捕蟬有餘不足變憐蚊退食歸來北窓夢一

江春月趁魚船

春月一作風月

王立之承奉詩報梅花已落盡次韻感答

直方

南枝北枝春事休榆錢可穿柳帶柔定自沈即作詩瘦不

應春能生許愁

自門下後省歸西鰲池寺觀盧鴻草堂圖

黃塵逆帽馬嘶易歸來下簾臥書空不知繡鞍萬人立何

如盧郎駕飛鴻

曠軒詩六首

高君素作曠軒請子賦詩予為說其義曰在易之頤觀

頤自求口實其傳曰觀頤觀其所養也自求口實觀其

自養也單豹巖棲谷飲有孺子之色而虎攻其外張毅

擊也曲拳養人間之譽而疾攻其內養虎者不以全物

與之牧羊者去其敗君羣視其後者而鞭之養鷹者飢之

是謂觀其所養之性也庖丁不以肯綮嬰其解牛之刀病僕丈

人不以萬物易蠅之翼匹夫之志不可奪於三軍之帥



是謂觀其自養觀其所養盡物之性也觀其自養盡已  
之性也詩云如切如磋如琢如磨求盡性而已君素樂  
善能賢將求學問日新之功故作願軒以養其正吉乃  
以觀願自求曰實六字作詩以勸戒之  
金石不隨波松林知歲寒冥冥此芸芸境廻向自心觀  
知足是靈龜無心乃朵願虛心萬物表寒暑自四時  
無外一精明六合同出自公能知本原佛亦不相似  
辱莫辱多欲樂苦欲樂無求人生強學耳萬古一東流  
惟機要發遲飲合戒一作味厚漁人溺於波君子溺於口  
涇流不濁漚種以無李實養心去塵緣光明生虛室立向  
費美揚事必寶薰乞詩予以無衛林畫戟燕寢凝清  
承水正字詩報之久失此崇偶指門下後省故紙

中得之

險心游萬仞躁欲生五兵隱几香一炷靈臺湛空明  
晝食鳥窺臺宴坐日過砌俗氛無因來煙霏作輿衛  
石蜜化螺甲棋榼煮水沉博山孤煙起對此作森森  
輪囷香事已郁郁著書畫誰能入吾室勝汝世俗械  
賈侯懷六韜家有十二戟天資喜文事如我有香癖  
林花飛片片香歸啣泥燕閉閣和春風還尋蔚宗傳  
公虛采蘋宮行樂在小寢香光富發聞色敗不可稔  
牀帷夜氣馥衣桁晚煙凝瓦溝鳴急雪睡鴨照華燈  
雉尾映鞭聲金鑪拂太清班近聞香早歸來學得成  
衣篝麗紈綺有待乃芬芳當念真富貴自薰知見香

戲詠臘梅二首

金蓓鎖春寒惱人香未展雖無桃李顏風味極不淺  
體薰山鹿射臍色染薔薇露披拂不滿襟時有暗香度

題子瞻寺壁小山枯木

爛腸五斗對微吏白髮千丈濯滄浪却來獻納雲臺表小  
山拄杖不相忘

題子瞻枯木

折衝儒墨陳堂堂書入顏楊鴻雁行胸中元自有丘壑故  
作者木蟠風霜

題伯時畫揩痒虎

猛虎肉醉初醒時揩磨苛痒風助威枯楠未覺草先低木  
末應有行人知

題伯時畫觀魚僧

橫波一網腥城市白鷺春江空煙水寒當時萬事心已石  
恐魚作故時看

題伯時畫頓塵馬

竹頭捨地風不舉文書堆棧睡自語忽看高馬頓風塵亦  
思歸家洗袍袴

題伯時畫嚴子陵鉤灘

平生久要劉文叔不肯為渠作三公能令漢家重九鼎桐  
江波上一絲風

題劉將軍馬

滕王蛺蝶雙穿花東丹胡馬歎胡沙祁連將軍一筆鴈生  
不並世俱名家

戲題小雀捕飛蟲畫扇

小蟲心在一啄間得失與世同輕重丹青妙處不可傳輪扁斲輪如此用

題畫孔雀

枕榻暗天蕉葉長終露文章嬰世網故山桂子落秋風無因雄雌青雲上

睡鴨

山雞照影空自愛孤鸞對鏡不作雙天下真成長會合兩鳧相倚睡秋江

小鴨

小鴨看從筆下生幻法生機全得妙自知力小畏滄波睡起晴沙依晚照

竹枝詞二首

撐崖拄谷蝮蛇愁入箬攀天猿掉頭鬼門關外莫言遠五十三驛是皇州

浮雲一百八盤紫落日四十九渡明鬼門關外莫言遠四海一家皆弟兄

古樂府有巴東三峽巫峽長猿鳴三聲淚霑裳但以愁怨之音和爲數疊惜其聲今不傳予自荊州上峽入黔

中備嘗山川險阻因作二疊傳與巴娘令以竹枝歌之前一疊可和云鬼門關外莫言遠五十三驛是皇州

一疊可和云鬼門關外莫言遠四海一家皆弟兄用四句入陽關小秦王亦可歌也

予既作竹枝詞夜宿歌羅驛夢李白相見於山巖曰予往謫夜郎於此聞杜鵑作竹枝詞三疊世

之不子細憶集中無有請三誦乃得之

一聲望帝花片飛萬里明妃雪打圍馬上胡兒那解聽

琵琶應道不如歸

竹竿坡面蛇倒退摩圍山腰胡孫愁杜鵑無血可續淚何

日金雞赦九州

命輕人鮪甕頭船日瘦鬼門關外天北人墮淚南人笑青

壁無梯聞杜鵑

行次巫山宋懋宗遣騎送折花厨醞

攻討愁城終不開青州從事斬關來喚得巫山強項令持

花傾酒對陽臺知命

空巖靜發鍾聲響古木削掛藤蘿昏莫道蒼崖鎖靈骨時

應持鉢到諸村

次浮塘驛見張施州小詩知命

歎息施州成老醜當年玉雪瑩相照舊時去天一尺五今

日萬里聽猿叫

題驢瘦嶺馬鋪知命

老馬飢嘶驢瘦嶺病人生入鬼門關病人甘作五溪臥老

馬猶思十二閑

上南陵坡知命

風餐水宿六千里蛇退猿愁百八盤上得坡來揔歡喜歷

盡依約見峯巒

謫居黔南五首摘樂天句

相望六千里天地隔江山十書九不到何用一開顏

霜降水反壑風落木歸山冉冉歲華晚昆蟲皆閉關  
冷淡病心情暄和好時節故園音信斷遠郡親賓絕  
山郭燈火稀峽天星漢少年光東流水生計南枝鳥  
真性齊遠近委順隨南北歸去誠可憐天涯住亦得

豫章黃先生文集第五

豫章黃先生文集第六

黃庭堅曾直

古詩五十一首

題小猿叫驛

知命

筇竹

次韻李任道晚飲鎖江亭

再次韻兼簡履中南玉三首

次韻任道食荔支有感三首

廖致平送綠荔支

謝楊復道送銀茄四首

送石長卿太學秋補

贈知命弟離戎州

姪柎隨知命舟行

次韻黃斌老所畫橫竹

次韻謝斌老送墨竹十二韻

用前韻謝子舟為子作風雨竹

再用前韻詠子舟所作竹

戲詠子舟畫兩竹兩鸚鵡

次韻荅斌老病起獨游東園二首

又和二首

又荅斌老病愈遣悶二首

從斌老乞苦笋

楊明叔惠詩次韻作四詩報之

明叔有意於斯文故今以此事相付

楊明叔用蛟龍得雲雨鷓鴣在秋天作十詩見

餞因用其韻以別

題滎州祖元大師此君軒

青神縣尉廳借景亭

戲贈家安國

題石恪畫嘗醋翁

題子瞻畫竹石

題晁以道雪鴈圖

贈惠洪

題小猿叫驛知命

大猿叫罷小猿啼菁裏行人白晝迷惡藤牽頭石齧足嫗

牽兒隨淚錄續我亦下行莫啼哭

筇竹

道人手插兩三竹使君忽來唾珠玉不須客賦千首詩若

是賞音一夔足世人同處但同流一絲不掛似太俗客來

問我有何好道人優波遠山綠石木問我作莫問優波作優曇

次韻李任道晚飲鎖江亭

西來雪浪如魚烹雨崖且箒乃可橫忽思鍾陵江十里白

蘋風起縠紋生酒杯未覺浮蟻滑茶鼎已作蒼蠅鳴歸時

共須落日盡亦嫌持蓋僕屢更

再次韻兼簡履中南玉三首

李侯詩律嚴且清諸生賡載筆縱橫句中稍覺道戰勝習  
次不使俗塵生山繞樓臺鍾鼓晚江觸石磯砥杵鳴鎮江  
主人能致酒願渠久住莫終更

江津道人心源清不繫虛舟盡日橫道機禪觀轉萬物文  
彩風流被諸生與世浮沈惟酒可隨時憂樂以詩鳴江頭一

醉豈易得事如浮雲多變更一作喜

鎮江亭上一樽酒山自白雲江自橫李侯短褐有長處不  
與俗物同條生經術貂蟬續狗尾文章瓦釜作雷鳴古來  
寒士但守節夜夜抱關聽五更

次韻任道食荔支有感三首

一錢不直程衛尉萬事稱好司馬公白髮永無懷橘日六

年悵長荔支紅

今年荔支熟南風莫愁留滯太史公五月照江鴨頭綠六  
月連山拓枝紅

舞女荔支熟雖晚臨江照影自憐公天與霓羅裝寶髻更  
授猩血染殷紅

廖致平送綠荔支為戎州第一王公權荔支綠酒

亦為戎州第一

王公權家荔支綠廖致平家緝荔支試傾一椽重碧色快

剥千顆輕紅肌撥醅蒲萄未足數堆盤馬乳不同時誰能  
同此勝絕味唯有老杜東樓詩杜子美宴戎州東樓詩云

謝楊履道送銀茄四首

藜藿盤中生精神珍蔬長蒂色勝銀朝來鹽醢飽滋味已  
覺瓜瓞漫輪囷

若家水茄白銀色殊勝堪裹紫豉亨蜀人生疎不下箸吾  
與北人俱眼明

白金作顆非推成中有椎粟嚼白冰戎州夏畦出蔬供感  
君來飯在家僧

畦丁收盡垂露實葉底猶藏十二三待得銀包已成殼更  
當乞種過江南

送石長卿太學秋補

之卿亦非但四壁文若窺之介如山曾中已無少年事肯  
氣心為松格漢文新覽天下圖部採玉淵獻味再三  
可憐石長卿亦一莫上登封書

贈知命弟離戎州

道人終歲學陶朱西子同舟泛五湖船窓以讀書萬壽  
有新詩來起予

姪紹隨知命舟行

莫去沙邊學釣魚莫將百丈作纏腰清江濯足意不坐燕  
子日長宜讀書

次韻黃斌老所畫橫竹

酒澆曾次不能平吐出蒼竹歲崢嶸臥龍偃蹇不肯驚公  
與此君俱忘形晴窻影落石泓窻松煤淺染飽霜兔中安  
三石使屈蟠亦恐形全便飛去

次韻謝斌老送墨竹十韻

古今作生竹能者未十輩吳生勑技葉筌窠遠不逮江南



鐵鈎鎖景許誠懸會燕公洒墨成落落與時背譬如剗心  
松中有歲寒在湖州三百年筆與前哲配規摹轉銀鈎幽  
賞非俗愛披圖風雨入咫尺莽蒼外吾子學湖州師逸功  
已倍有來竹四幅冬夏生變態預知更入神後出遂無對  
吾詩被壓倒物固不兩大世傳江南李正鉤勒成謂之鐵鈎  
權自有此筆法

用前韻謝子舟為予作風雨竹

子舟詩書客畫手睨前輩挹袂拍其肩餘力左右逮摩拂  
造化鑪經營鬼神會光煤疊亂葉與世作者背看君回腕  
筆猶喜漢儀在歲寒十三本與可可追配小山蒼苔面突  
兀謝憎愛風斜兼雨重意出筆墨外吾聞絕一源戰勝自  
十倍榮枯轉時機生死付交態狙公倒七茅勿用嗔喜對

此物當更工請以小喻大

再用前韻詠子舟所作竹

森削一山竹壯士十三自干雲芥肯下津虛心  
聽造物顛沛風雲會榮枯偶同時終不不弃背誰云湖州  
沒筆力今尚在阿筌雖墨妙好以桃李配國工我主意冷  
淡恐不愛子舟落心畫榮觀不在外者年道機熟增勝當  
更倍祖述今百家小紙弄姿態雖云出湖州卷置懶開對  
非公筆如椽孰能為之大竹鶴李

戲詠子舟畫兩竹兩鸚鵡

風晴日暖搖雙竹竹間相語兩鸚鵡鸚鵡之肉不可肴人  
生不材果為福子舟之筆利如錐千變萬化皆天機未知  
筆下鸚鵡語何似夢中胡蝶飛

次韻答斌老病起獨游東園二首

萬事同一機多慮乃禪病排悶有新詩忘蹄出兔運蓮花生淤泥可見嗔喜性小立近幽香心與晚色靜主人心安樂花竹有和氣時從物外賞自益酒中味斷枯蟻改穴掃籜笋迸地萬籟寂中生乃見風雨至

又和二首

西風塵殘暑如用霍去病踈溝滿蓮塘掃葉明竹筵中有寂寞人自知圓覺性心猿方睡起一笑六窓靜外物攻伐人鍾鼓作聲氣待渠弓箭盡我自味無味宴安衽席間蛟鱷垂涎地君子履微霜即知堅冰至

又答斌老病愈遣悶二首

百病之中來語罷本非病西風將小雨涼入居士蓮苦竹

逸蓮塘自悅魚鳥性紅粧倚翠蓋不點禪心淨

風生高竹涼雨送新荷氣魚遊悟世網鳥語入禪味一揮四病智刃有餘地病來每厭客今乃思客至

從斌老乞苦笋

南園苦笋味勝肉籜龍稱寃莫採錄煩君更致蒼玉束明

日風雨皆成竹更致一便致

楊明叔惠詩格律詞意皆薰沐去其舊習子為之

喜而不寐文章者道之器也言者行之枝葉也故

次韻作四詩報之耕禮義之田而深其耒明叔言

行有法當官又敏於事而郵民故子期之以遠者

大者

魚去游濠上鴉來止坐隅吉凶終我在憂樂與生俱決定

不是物方名大夫夫今觀由也果老子歎東禔唯我在  
道常無一物學要反三隅喜與頃同本頃時喜自俱心隨作終在我  
物作宰人為我非夫利用善精義還成對岸為我一  
全德備萬物大方無四隅身隨腐草化名與大山俱道學謂我一  
歸吾子言詩起老夫無為蹈東海留作濟川桴亦一  
匹士能光國三孱不滿隅竊觀今日事君與古人俱氣類  
鷲求友精誠石望夫雷門震驚手待汝一援桴

庭堅老懶衰望多年不作詩已忘其體律因明叔  
有意於斯文試與一綱而張萬目蓋以俗為雅以  
四百餘故為新百戰百勝如孫吳之兵棘端可以破鏃如  
風土高井蠅飛衛之射此詩人之奇也明叔當自得之  
眉人鄉先生之妙語震耀一世我詩從公得之為

故今以此事相付

窮竒投有北鴻鵠止丘隅我已慙慙禦君方燕雀俱道應  
無芥蒂學要盡工夫莫斬獲粗於明堂待棟桴

楊明叔從予學問甚有成當路無知音求為瀘州  
從事而不能得予蒙恩東歸用蛟龍得雲雨鵬鷃  
在秋天作十詩見餞因用其韻以別

平津善牧豕飲飛能斬蛟終藉一汲黯淮南解兵交揚子  
有直氣未忍死草茅引之入漢朝誰為續弦膠

揚君清渭水自流濁涇中今年貧到骨豪氣似元龍男兒  
生世間筆端吐白虹何事與秋螢爭光蒲葦叢

事隨世滔滔心欲自得得揚君為已學度越輩流百坐捫  
故衣蠹垢襪春汗黑睥睨紈袴兒可飲三斗墨

清靜草玄學西京有子雲太尉死宗社大鳥泣其墳寂寞  
向千載風流被仍昆富貴何足道聖處要策勳

桑輿金石交既別十日雨子輿裹飯來一笑相告語揚子  
困輦歌諸公不能舉儻可從我歸沙頭駐鳴鱸

小園少天日孤鬼能作妖睽閃載一車獵人用烏梟小智  
窘流俗蹇淺不能起安得萬里沙霜晴看射鵝

元之如砥柱大年若霜鴉王揚立本朝與世作郭郭觀公  
有膽氣似可繼前作丈夫存遠大曾次要落落

虛心觀萬物險易極變態皮毛剝落盡惟存一實在侍中  
乃珥貂御史則冠豸照影或可羞短策釣

松栢生澗壑坐閱草木秋金石在波中仰天流  
自能辭世優自伊優但觀百歲後傳者

老作同安守蹇足信所便肯中無水鏡敢當吏部銓恨此  
虛名在未脫世糾纏夢作白鷗去江南水如天

題榮州祖元大師此君軒

王師學琴三十年響如清夜落澗泉滿堂洗盡箏琶耳請  
師停手恐斷絃神人傳書道人命死生貴賤如看鏡晚知  
直語觸憎嫌深藏幽寺聽鐘磬有酒如澠客滿門不可一  
日無此君當時手栽數寸碧聲風雨今連雲此君傾蓋如  
故舊骨相竒怪清且秀程嬰拚白立孤難伯夷叔齊采薇  
瘦霜鍾堂上弄秋月微風入絃此君說公家周彥筆如椽  
此君語意當能傳

青神縣尉廳葺城頭舊屋作借景亭下瞰史家園  
永竹終日寂然了無人迹又當大本綠陰之間戲

作長句奉呈信孺明府介卿少府

青神縣中得兩張愛民財物唯恐傷二公身安民乃樂新  
葺城頭六月涼竹鋪不流吳綾襪東西開軒蔭清樾當官  
借景未傷民略似鑿池取明月

戲贈家安國

家侯口吃善著書常願執戈王前驅朱紱蹉跎晚監郡吟  
弄風月思天衢二蘇平生親且舊少年筆硯老樽酒但使  
一公轉鴻鈞此老矍鑠還冠軍

題石恪畫嘗醋翁

石媪忍酸豕三尺石皤嘗味面百指誰知聳膊寒金骨圖  
畫不減吳生筆

題子瞻畫竹石

風枝雨葉瘠土竹龍躡虎踞蒼蘚石東坡老人翰林公醉  
時吐出曾中罨

題晁以道雪鴈圖

飛雪灑蘆如銀箭前鴈驚飛後回眇憑誰說與謝玄暉休  
道澄江靜如練

贈惠洪

吾年六十子方半槁項頂螺忘歲年韻勝不減秦少覲氣  
爽絕類徐師川不肯低頭拾鄉相又能落筆生雲煙脫却  
衲衫一作衣著蓑笠來佐涪翁刺釣船

豫章黃先生文集第六

新章舊典三五

...

...

...

...

...

...

...

...

...



